

文

通

文通

丹徒馬建忠

論句讀卷之十

首卷界說有言曰、凡有起詞語詞而辭意已全者、曰句、未全者、曰兒。起詞者、即所志之事物也。語詞者、事物之動靜也。故欲知句豆之所以成、當先知起詞語詞之爲何。於是焉第二卷之論名字代字者、所以知起詞之所從出也。後四卷之論動字靜字者、所以知語詞之所由生也。七卷之論介字者、爲夫起詞語詞之意或有不足也、則知所以足之者也。八卷之論連字者、爲夫語詞與語詞之或相承轉也、則知所以維繫之者也。九卷之論助字者、爲夫語詞辭氣之有疑有信也、則知所以傳之者也。猝

有所感則辭氣不及傳而發而爲聲者附以嘆字終焉字分九類凡所以爲起詞語詞者盡矣至進論夫起語兩詞之成爲句成爲豆者是則此卷之所由作也然此卷所論者有已散見於前者有未見者今則散見者總之未見者補之支分節解先綱後目綱以彖之目以系之

彖一

凡句豆各有起詞爲起詞者名代頓豆四者皆習見焉

句也豆也皆所以語或動或靜之情也所謂語詞也而動靜之情不能不有所從發其所從發者起詞也然則起詞者非他即所發動靜之情之事物也此起詞所以爲句豆所必需

也爲起詞者，名字與代字固已而頓與豆之用如名字者，其爲起詞亦習見也。

論語云：子見南子，子路不說。子曰：予所否者，天厭之；天厭之。此節六句皆有起詞。第四句之起詞代字也。第二句之起詞本名也。他句皆以公名爲起詞。隱公三年云：鄭武公、莊公爲平王卿士。王貳于虢。鄭伯怨王。王曰：無之。故周鄭交質。王子狐爲質於鄭。鄭公子忽爲質於周。王崩。周人將畀虢公政。四月，鄭祭足帥師取溫之麥。秋，又取成周之禾。周鄭交惡。共十二句內，惟秋又取成周之禾一句起詞連上。他句皆有起詞。論語云：有子曰：其爲人也孝弟而好犯上者，鮮矣。不好犯上。

而好作亂者未之有也君子務本本立而道生孝弟也者其爲仁之本與此節句與豆共計有十有子曰第一爲句有子其起詞也其爲人也第二爲豆其代字起詞也孝弟而好犯上者第三爲豆者代字起詞也鮮矣第四爲句孝弟而好犯上者之豆乃其起詞也不好犯上而好作亂者第五爲豆者代字其起詞也未之有也第六爲句第五豆乃其止詞也君子務本第七爲句君子起詞本立而道生第八爲雙扇之句本與道其起詞也孝弟也者一頓本句之起詞其爲仁之本與第八爲句此節之爲起詞有豆有頓而句豆亦各有起詞學者可玩索也孟子云孔子懼作春秋春秋天子之事也是

故孔子曰知我者其惟春秋乎罪我者其惟春秋乎此節句豆有八孔子憚一豆孔子其起詞作春秋二句第一豆其起詞也春秋天子之事也三句春秋起詞是故孔子曰四句孔子起詞知我者五豆者代字起詞也其惟春秋乎六句第五豆其起詞也罪我者七豆其惟春秋乎八句皆同上又貨殖列傳云是以無財作力少有門智既饒爭時三平句起詞爲無財少有旣饒三頓平準書云守閭閻者食梁肉爲吏者長子孫居官者以爲姓號三句起詞皆豆也閔二年云內寵並后外寵二政嬖子配嫡大都耦國亂之本也此節首三豆其起詞皆爲頓末句則前三豆乃其起詞也襄公八年云敝邑

之衆夫婦男女不遑啓處以相救也一句倣邑之衆一頓起詞也夫婦男女又一頓與前頓同次

系一議事論道之句豆如對語然起詞可省

論語云子曰道千乘之國敬事而信節用而愛人使民以時四單句皆無起詞蓋論立身之道也他如信近於義章貧而易色章皆無起詞蓋論立身之道也他如信近於義章貧而無詔章爲政以德章又學而章大抵論議句豆皆泛指故無起詞此則華文所獨也泰西古今方言凡句豆未有無起詞者

淮陰侯列傳云蓋聞天與弗取反受其咎時至不行反受其

殃四句弗取不行者誰受咎受殃者又誰皆未指明蓋公論也。穀梁僖公傳二十二年云倍則攻敵則戰少則守二平句無起詞論治兵也。僖公十五年云古者大事必乘其產乘者爲誰不言可知則陽云舊國舊都望之暢然雖使丘陵草木之縉入之者十九猶之暢然句中望之者誰未明言也所引皆同上史籍凡議事論道其句豆概無起詞也。又胠篋起句卽云將爲胠篋探囊發匱之盜而爲守備云云送高閑上人序起云苟可以寓其巧智云云兩篇起句卽無起詞振起有勢。

論語云子曰忠矣曰仁矣乎曰未知焉得仁忠矣與仁矣乎

皆對語答問之句、起詞在上、故本句可刪。又云、入曰伯夷叔齊何人也、曰古之賢人也。曰怨乎、曰求仁而得仁、又何怨。此亦對語答問也。又云、顏淵季路侍子曰、盍各言爾志。子路曰、願車馬云云。顏淵曰、願無伐善云云。此亦問答之辭。隱公元年云、欲與大叔、臣請事之。若弗與、則請除之。無生民心一節。與而弗與者、公也。對語故不言。又公曰、無庸。將自及。答辭無起詞。隱公三年云、若棄德不讓、是廢先君之舉也。豈曰能賢。一豆兩句、皆無起詞。公自言也。凡問答之句、起詞有無無定。一視辭意之所順而已。諍臣論云、問其官、則曰諫議也。問其祿、則曰下大夫之秩也。兩答皆無起詞。成公十六年云、聘而

左右同也。曰召軍吏也。皆聚于中軍矣。曰合謀也。張幕矣。曰  
虔卜於先君也。微幕矣。曰將發命也。甚驚且塵上矣。曰將塞  
井夷竈而爲行也。皆乘矣。左右執兵而下矣。曰聽誓也。戰乎。  
曰未可知也。乘而左右皆下矣。曰戰禱也。八問八答。皆無起  
詞。所指已明。不言可知。

系二、命戒之句。起詞可省。

論語云。子曰。毋以與爾鄰里鄉黨乎。此禁止之辭。與者何人。  
不明言。其實猶對語者然。襄公十四年云。來姜戎兵十八年。  
又云。止將爲三軍獲。不止。將取其衷。宣公十二年云。進之。襄  
公二十三年云。矢及君屋。死之。穀梁僖公五年云。入自明山。

木云少君之費寡君之欲雖無糧而乃足以上所引皆非戒  
卽命之辭而皆無起詞如對語者然又凡有所爲條誠者亦  
然孟子云初命曰誅不孝無易樹子無以妾爲妻再命曰尊  
賢育才以彰有德云云商君列傳云不告姦者腰斬告姦者  
與斬敵首同賞匿姦者與降敵同罰民有一男以上不分異  
者倍其賦云云兩引一盟一誠諸句皆無起詞

系三豆如先句句之起詞已蒙豆矣則不復置

孟子云寡人之於國也盡心焉耳矣寡人之於國也一豆冒  
下句寡人起詞已蒙豆矣下句盡心焉耳矣之起詞可不重  
提論語云吾少也賤吾代字旣爲少也一豆之起詞又爲賤

字一句之起詞而吾字已蒙乎豆則下句不復提矣襄公四年云昔周辛甲之爲太史也命百官官餕王門一豆一句周辛甲蒙豆而爲下句之起詞其二十一年云於是祁奚老矣聞之乘駟而見宣子祁奚乃豆句之起詞陸賈列傳云今足下反天性棄冠帶欲以區區之越與天下抗衡爲敵國足下既爲兩豆之起詞又爲下句之起詞叔孫通列傳云叔孫通知上益厭之也說上曰同上由是魏其列傳云丞相入奏事坐語移日汲鄭列傳云黯學黃老之言治官理民好清淨高祖紀云蕭曹等皆文吏自愛恐事不就後秦種族其家盡譏高祖淮陰侯列傳云今足下戴震主之威挾不貲之功歸楚

楚人不信歸漢漢人震恐賈捐之傳云今陛下不忍區區之  
忿欲驅士衆擠之大海之中快心幽冥之地非所以救助饑  
饉保全元元也李斯列傳云是以泰山不讓土壤故能成其  
大河海不擇細流故能就其深王者不郤衆庶故能明其德  
周語云昔者先王之有天下也規方千里以爲甸服以供上  
帝山川百神之祀以備百姓兆民之用以待不庭不虞之患  
應帝王云至人之用心若鏡不將不逆應而不藏送殷員外  
序云今人適數百里出門惘惘有難別可憐之色持被入直  
三省丁甯顧婢子語刺刺不能休今子使萬里外國獨無幾  
微出於言面豈不真知輕重大丈夫哉諸所引皆同前爲豆

句之式之多變也故繁引焉使閱者有所玩索也

系四句豆起詞既見於先而文勢直貫可不重見

論語云子張曰士見危致命見得思義祭恩敬喪思哀其可己矣子張曰後凡五句皆以士爲起詞而既見於首句以其文勢直貫至終故士字不復再見矣大學云身有所忿懥則不得其正有所恐懼則不得其正有所好樂則不得其正有所憂患則不得其正共計豆四句四皆以身爲起詞而身只見於首句後則不復見矣又云人之其所親愛而辟焉云云共計豆五句五句上皆以人字爲起詞也荀子榮辱篇云彼吳之而喙於鼻嘗之而甘於口食之而安於體則莫不棄此

而取彼矣。共計豆三句，四除收句外，皆以彼代字爲起詞也。論語鄉黨一章，惟第一句記孔子，以下凡記孔子之行事，皆無起詞，而一言君子不以紺緝飾。一言子退朝而已，不特此也。又凡句豆起詞所指之字，無論其爲起詞爲止詞，既已先見矣，則文勢直下，以後起詞皆可不提。僖公二十五年云：晉侯朝王。請隧弗許，與之陽樊溫原，攢茅之田。共四句。晉侯朝王句，晉侯起詞；王止句，謂隧之起詞；晉侯也，弗許之起詞；王也，與之之起詞，亦王也。以晉侯與王一爲起詞，一爲止詞，既已先見矣，故以後諸句之起詞，皆未再見者，此也。莊公九年云：期戍。公問不至，請代。弗許，故謀作亂。又云：反誅驕於徒。

人發弗得鞭之見血走出遇賊於門昭公二十八年云退朝  
待於庭召之比置鎖入三歎既食使坐哀公十六年云乃從  
白公而見之與之言悅告之故辭承之以劍不動諸引皆短  
句魚貫而下而每句起詞不一然既見於先故不復置天運  
云且子獨不見夫桔槔者乎引之則俯舍之則仰彼人之所  
引非引人也故俯仰而不得罪於人共計豆三句五蓋引之  
舍之兩豆起詞乃桔槔者則俯則仰兩句起詞即桔槔也人  
之所引又一豆也後兩句則以彼字爲起詞矣

系五無屬動字本無起詞有無兩字間亦同焉

此見第四卷無屬動字與同動字下

系六有不用起詞木字而以公共之名代之者如人以地名是  
也

此見第二卷名字篇矣而未詳也平準書云河南上富人助  
貧人者籍河南指大吏此以地代人也梅福傳云是以天下  
布衣各勵志竭精以赴闕庭以布衣代衣之者又云廟堂之  
議非草茅所當言也草茅以代居之者定公三年云聞諸道  
路信否道路以代行之者陸賈列傳云今辟陽侯幸太后而  
下吏道路皆言君謙欲殺之道路同上平準書云布告天下  
天下莫應天下代人貨殖列傳云海岱之間斂衽而往朝焉  
海岱之間以代居其間者伯夷列傳云然至近世操行不軌

專犯忌諱而終身逸樂富厚累世不絕近世累世皆代其人  
諸引公共之名以爲代者皆起詞也然止詞轉詞亦可用也  
此舉起詞以概耳

系七句豆內有同指一名以爲主次爲賓次或爲偏次者往往  
冠其名於句豆之上一若起詞者然避重名也

論語云夫顓臾昔者先王以爲東蒙主且在邦域之中矣是  
社稷之臣也何以伐爲夫顓臾三字冒起一若起詞者然第  
一豆猶云先王以顓臾爲東蒙主也是顓臾乃以字後之止  
詞則爲賓次第二豆猶云且顓臾在邦域之中矣也則顓臾  
在主次是社稷之臣也一句猶顓臾是社稷之臣也則顓臾

又在主次今顓臾冒之於先故以後荀豆內所當位之者皆隱指焉孟子云子路人告之以有過則喜猶云人告子路以有過子路則喜也今子路弁首故於豆之賓次則以之字代焉下句主次則隱指焉論語云甯武子邦有道則知邦無道則愚猶云邦有道甯武子則知也孟子云今夫舜麥播種而耰之其地同樹之時又同淳然而生至於日至之時皆熟矣辨麥二字若不弁首則句豆內皆當補出豈不重累生厭哉論語云仁者雖告之曰井有仁焉其從之也仁者居首指之者告字後之賓次也從字前之主次也逍遙遊云是鳥也海运則將徙於南冥是鳥先置則字後主次指之又云之人也

物莫之傷大侵稽天而弗溺大旱金石流土山焦而不熱之人也先置以爲傷字後之賓次與弗溺不熱先之主次也游俠列傳云殺者亦竟絕莫知爲誰殺者乃爲誰之主次也東方朔傳云天不爲人之惡寒而輒其冬地不爲人之惡險而輒其廣君子不爲小人之匈奴而易其行天字乃輒其冬之主次也下倣此趙充國傳云臣位至上卿爵爲列侯犬馬之齒七十六爲明詔墳溝壑死骨不朽亡所顧忌臣字乃墳溝壑之主次而爲前三豆之偶次也猶云臣之位臣之爵臣之犬馬之齒也食貨志云夫珠玉金銀飢不可食寒不可衣然而衆貴之者以上用之故也夫珠玉金銀冒於甸豆之上而

句豆賓次胥指焉莊老列傳云鳥吾知其能飛魚吾知其能游獸吾知其能走三豆其字各指其前置之名此獲麟解角者吾知其爲牛鬚者吾知其爲馬犬豕豺狼麋鹿吾知其爲大豕豺狼麋鹿三句之由來也又平淮西碑表文序云乾坤之容日月之光知其不可繪畫強顏爲之以塞詔旨罪當誅死諸句調亦胎於此人間世云夫粗黎橘柚果蓏之屬實熟則剝則辱大枝折小枝泄此以知其能苦其生者也一頤冠首而爲剝辱與能苦諸豆之主次論語云由也千乘之國可使治其賦也賦者千乘之國之賦也故千乘之國先置以爲止詞之偏次也又云求也千室之邑百乘之家可使爲之宰

也爲之宰者猶云爲其宰也又云三軍可奪帥也匹夫不可  
奪志也猶云三軍之帥也匹夫之志也文帝紀云細大之義  
吾未能得其中宣公二年云疇昔之羊子爲政今日之事我  
爲政猶云子爲之政我爲之政也循吏列傳云月治道去其  
泰甚者耳猶云凡治道惟求去治道之泰甚者也近五引皆  
先置一頓以爲下文偏次所指之地復上書云如周公之心  
設使其時輔理承化之功未盡章章如是而非聖人之才而  
無叔父之親則將不暇食與沐矣豈特吐哺握髮爲勤而止  
哉如周公之心一頓有似空置并諸句豆之首然實爲設辭  
諸豆之起詞也異於本例猶云按周公心內之意見其時誠

如是矣。則將云云也。又胠篋云。昔者容成氏。大庭氏。伯皇氏。  
中夷氏。栗陸氏。驪畜氏。軒轅氏。赫胥氏。尊靈氏。祝融氏。伏羲  
氏。神農氏。當是時也。民結繩而用之。歷數諸氏先置與下文。  
毫不相涉。其實猶云昔當諸氏之時也也。禮書云。人體安鴻  
乘爲之金輿。錯衡以繫其飾。目好五色爲之輔。誠文章以表  
其能。耳樂鐘磬爲之調。諧八音以蕩其心。口甘五味爲之庶  
羞酸鹹。以致其美。情好珍善。爲之琢磨圭璧。以通其意。五辨  
以八字弁之。先爲五豆起詞之偏次。猶云人之體。人之目。人  
之耳。人之口。人之情也。而後爲五句之起詞。猶云人爲之云  
云也。又馬蹠云。馬蹠可以踰霜雪。毛可以禦風寒。乾草飲水。

翹足而陸此馬之眞性也馬字冠首而後猶云馬之蹠馬之毛也乾草句馬爲主次故與所引禮書同例釋言云若夫狂惑喪心之人蹈河而入火妄言而罵詈則有之矣而愈人知其無是疾也文家謂此句以而愈一轉先提愈字醒目實則與烏吾知其能飛句同法此例爲華文所獨故不憚繁引如是

彖二

凡句豆必有語詞語詞後而起詞先者常也言語詞則內動外動受動與凡爲表詞者皆賅焉

語詞之說已見彖一下之解矣引句亦同論語云良公問社

於宰我宰我對曰夏后氏以松殷人以柏周人以栗曰使民戰栗六句之起語兩詞皆備惟戰栗兩字內動字而爲語詞者也餘皆外動字楊雄傳云昔者禹任益虞而上下和草木茂成湯奸田而天下用足文王之圃百里民以爲尚小齊宣王園四十里民以爲大裕民之與奪民也句豆有十煞句無起詞餘則兩詞皆備其語詞則有內動有外動有表詞也論語云子曰管仲之器小哉或曰管仲儉乎共四句小哉儉乎兩表詞而爲句之語詞也兩引諸句皆起詞先乎語詞隱公三年云衛國褊小老夫耄矣桓公十三年云舉趾高心不固矣其六年云漢東之國隨爲大隨張必棄小國小國離楚之

利也所引禡小羣矣趾高間矣爲大與楚之利也皆表詞而爲句之語詞此公例也諸引何皆可證焉

系一咏嘆語詞率先起詞

論語云大哉堯之爲君也大哉詎詞堯之爲君也起詞而反後焉此已散見於助字篇矣襄公二年云免寡人唯二三子成公二年云異哉夫子有三軍之懼而又有桑中之喜宜將竊妻以逃者也論語云難乎免於今之世矣徐無鬼云久矣夫莫以真人之言瞽歟吾君之側乎鬼谷子與蘇秦張儀書云夫女愛不極席男歡不卑輪痛哉夫君所引皆咏嘆之句其語詞率助助字而先乎起詞經生家以鮮矣仁三字爲句

法之奇，然鮮有助字。與前引同。惟宣公二年云：睂其目，矯其腹，棄甲而復。睂與矯，皆隻字爲表詞，而先乎起詞者，是爲奇耳。經籍中未之重見。周語因之云：民所曹好，鮮其不濟。民所曹惡，鮮其不廢。猶云民所同好，其不濟者鮮矣。下句倣此。

系二、何字詢問有先起詞者，惟爲表詞則然。

孟子云：鄰國之民不加少，寡人之民不加多。何也？公羊隱公元年云：元者何？君之始年也。二引何字，皆爲表詞，後置，常也。論語云：何哉？爾所謂達者。孟子云：何哉？君所謂踰者。所引何字，皆表詞先置，已見代字篇矣。

系三、排行句豆坐動詞者，一見而已，下句可省。

凡內外動字以言超詞之情者曰坐動僖公十五年云晉侯許賂中大夫既而皆背之賂秦伯以河外列城五東盡虢略南及華山內及解梁城既而不與晉侯許三字晉侯超詞也許坐動也所許者賂中大夫與賂秦伯也而賂秦伯之坐動字爲許字同乎首句故刪之孟子云吾聞其以堯舜之道要湯未聞以割烹也吾聞後兩排豆坐動字卽要湯也故第二豆內刪去隱公元年云先王之制大都不過參國之一中五之一小九之一是猶云大都不過參國之一中都不過五國之一小都不過九國之一也今以三句同式故後二句凡與首句同者盡刪矣襄公二十一年云若大盜禮焉以君之姑

姪與其大邑其次阜牧輿馬其小者衣裳効帶是賞盜也三  
豆坐動皆禮焉外動字故只一見自序云年十歲則誦古文  
二十而南游江淮不曰年二十者年字已先見也高帝紀云  
呂后具言客有過相我子母皆大貴高祖追問老父曰鄉者  
夫人兒子皆以君猶云皆以君貴也不言貴者已見於前也  
吳王濞列傳云能斬捕大將者賜金五千斤封萬戶列將三  
千斤封五千戶裨將二千斤封二千戶二千石千斤封千戶  
千石五百斤封五百戶皆爲列侯首句能斬捕三字豆之坐  
動也賜金首句之坐動也皆一見耳後從刪屈原列傳云儀  
與王約六里不聞六百里省一約字庚桑楚云踞市人之足

則辭以放驚兄則以嫗大親則已矣第一豆與第一句皆全  
以後兩豆兩句凡同者皆刪矣不刪則云踰兄之足則辭以  
嫗踰大親之足則不辭矣如此句法原不概見茲舉數則以  
示隅耳又所謂坐動者卽句豆之語詞也

系四比擬句豆凡所與比者其語詞可省

此節已散見於前今特爲發明語詞之可省耳貨殖列傳云  
夫千乘之王萬家之侯百室之君尚猶患貧而況匹夫編戶  
之民乎其與王侯君比者匹夫編戶之民也其語詞省而不  
書是猶云而况匹夫編戶之民能不患貧乎李廣傳云如浞  
野侯爲虜所得後亡還天子客遇之况於將軍乎猶云况於

將軍還天子又當何如乎陳湯傳云夫犬馬有勞於人尙加帷蓋之報况國之功臣者哉猶云况國之功臣其應得之報當何若哉燕策云隗且見事况賢於隗者乎人間世云鬼神尙來舍而况人乎同上刺客列傳云誠得劫秦王使悉反諸侯侵地若曹沫之與齊桓公則大善矣猶云若曹沫之與齊桓公使反魯地也今省使反魯地四字如此句法已見於六卷狀字九卷助字矣故不繁引

又凡差比平比其所爲比之字寓於其中概不言也所爲比者卽語詞也故比擬之句語詞可刪者此也孟子云以齊王由反手也猶云以齊王之易猶反手之易也易靜字而爲表

詞卽兩比句之語詞也此平比也孟子云季氏富於周公猶云季氏之富更富於周公之富也兩人之富卽所以比也皆省而不書此差比也亦已詳於三卷論比章矣

系五句豆表詞往往以名代頓豆爲之者而起表兩詞之間無斷辭爲間者常也

此亦散見於前卷矣而特詳於三卷之表詞篇隱公元年云公曰制嚴邑也嚴邑本名而爲表詞也制其起詞也中無斷辭如爲是卽之類惟非字不省又云今京不度非制也制公名而爲表詞加非字以決其不然孟子云又曰持其志無暴其氣者何也何詢間代字而爲表詞起詞一豆無斷辭間焉

隱公十一年云我周之卜正也我超詞周之卜正偏次之頓表詞也中無斷詞參焉宣公十二年云夫武禁暴戢兵保大定功安民和衆豐財者也武一字起詞下七動字與其止詞各爲一頓同爲表詞也閔公二年云夫帥師專行謀營軍旅君與國政之所圖也非太子之事也此句起詞三頓表詞一豆中無斷詞爲間末句太子之事一頓表詞間以非字決其不然者則名代頓豆之可爲表詞而無斷辭加焉者觀所引而已明前卷類此者多矣可檢閱焉惟所引類皆有助字者今姑引表詞之無助字無斷辭者以爲則論語云德行顏淵閔子騫冉伯牛仲弓言語宰我子貢政事冉有季路文學子

游子夏又云其爭也君子孟子云知其罪者惟孔距心襄公二年云免寡人唯二三子管子樞言篇第十二云日益之而患少者惟忠日損之而患多者惟欲諸引表詞無助無斷加惟字者專辭也

彖三

凡爲外動止詞者位其後

外動字或爲語詞或爲散動其止詞必位其後而爲止詞者不外名代頓豆四者而已桓公二年云故天子建闕諸侯立家卿置側室大夫有貳宗士有隸子弟庶人工商各有分穀皆有等衰是以民服事其上而下無覬覦計九句其坐動皆

外動字而止詞則皆名字各附於其後者趙策云彼秦乘禮  
義上首功之國也權使其士虜使其民乘禮義上首功六字  
內乘上兩外動字而止詞名字名位其後以爲國字之偏次  
又兩使字皆外動字止詞後焉隱公十一年云山有木工則  
度之賓有禮主則擇之度擇兩外動字其後止詞皆代字也  
伯夷列傳云孔子序列古之仁聖賢人如吳太伯伯夷之倫  
詳矣序列兩字外動字也古之仁聖賢人一頓止詞也曹相  
國世家云參見人之有過專掩匿覆蓋之見外動字其後止  
詞一豆又之乃代字止詞位諸外動字後統觀諸引外動字  
之止詞常位於後而名代頓豆皆可爲其止詞頓豆不一其

式未能枚舉故各引一則舉隅云爾

系一外動字之止詞而爲意之所重者率先并諸句首其外動字無弗辭者則其後加代字以重指焉有弗辭者則不重於外動字後而有重於其先者焉

論語云子曰巧言令色足恭左邱明恥之某亦恥之匿怨而友其人左邱明恥之某亦恥之此一節恥外動字其止詞一爲巧言令色足恭一爲匿怨而友其人以其爲意之所重并諸句首既無弗辭故其後各加代字爲止詞以重指焉又云聖人吾不得而見之矣見字後加之字以指句首之聖人不得兩字雖有弗辭而聖人非其止詞也論語云子曰禘

自既灌而往者吾不欲觀之矣不字狀欲字而不狀觀字禘爲觀之止詞先置復加之字以重指自既灌而往者一豆用如狀字以言時也又云夏禮吾能言之雖執鞭之士吾亦爲之孟子云三里之城七里之郭環而攻之學則三代共之今夫水搏而躍之可使過頸激而行之可使在山萬鍾則不辨禮義而受之拱把之桐梓人苟欲生之皆知所以養之者閔公二年云是服也狃夫阻之僖公四年云五侯九伯女實征之昭公四年云諸侯君實有之何辱命焉成公二年云此車一人殿之可以集事哀公十三年云佩玉翫弓余無所繫之旨酒一盛兮余與褐之父睨之周語云亦惟是死生之服物

采章以臨長百姓而輕重布之王何異之有秦策云夫徒處而致利安坐而廣地雖古五帝三王五霸明主賢君常欲坐而致之其勢不能齊物論云毛嫱麗姬人之所美也魚見之深入鳥見之高飛麋鹿見之失驥四者孰知天下之正色哉李斯列傳云諸侯名士可下以財者厚遺詰之不肯者利劍刺之趙世家云雖驅世以笑我胡地中山吾必有之兩粵傳云服嶺以南王自治之趙廣漢傳云郡中盜賊閭里輕俠其根株窟穴所在及吏所取請求銖兩之姦皆知之趙策云公宮之垣皆以荻蒿苦楚腐之祭十二郎文云是疾也江南之人常常有之與李拾遺書云勤儉之聲寬大之政幽閨婦女

草野小人皆飽聞而厭道之孔公墓誌銘云公屢言遠人急  
之則惜性命相屯聚爲寇緩之則自相怨恨而散此禽獸耳  
但可自計利害不足與論是非許國公神道碑云此軍司徒  
所樹必擇其骨月爲士卒所慕賴者付之歐陽生哀辭云詹  
之事業文章李翹旣爲之傳故作哀辭以舒余哀以傳於後  
以遺其父母而解其悲哀以卒詹志云諸引皆同式有以此  
字踞首而後以之字重指者穀梁僖公二年云此中知以下  
乃能慮之臣料虞君中知以下也更有以此字代之字以爲  
重指者趙策云夫挾強秦之勢以內剗其主罪無過此此指  
前頰然不若焉代之字之爲習見也僖公二十三年云晉鄭

同儕其過子弟固將禮焉焉指子弟又云子女玉帛則君有之羽毛齒革則君地生焉焉指上四字與之字互文所以殿句也淮陰侯列傳云狂夫之言聖人擇焉趙世家云狂夫之樂智者哀焉愚者所笑賢者察焉釋言云二公者吾君朝夕訪焉以爲政於天下而謂太平之治諸此引皆以焉代之也論語云子曰弑父與君亦不從也所不從者弑父與君也不字狀焉故不重指又云若聖與仁則吾豈敢貳敢兩字反說之辭也孟子云夫聖孔子不居隱與不恭君子不由也一簞食一豆羹得之則生弗得則死皆前志也又孟子云語云盛德之士君不得而臣父不得而子此句與聖人吾不得而見

之矣同式而之字則一無一有者語氣使然隱公十一年云  
凡爾器用財賄無貲于許僖公九年云夫諸侯之會其德刑  
禮義無國不記宣公十五年云雖然城下之盟有以國斃不  
能從也楚語云若夫譁譁之美楚雖蠻夷不能寶也自序云  
明主賢君忠臣死義之士余爲太史而弗論載廢天下之史  
文余甚懼焉陳湯傳云大夏之西以爲強漢不能臣也高祖  
紀云年老癃病勿遣師說云巫醫樂師百工之人君子不齒  
答侯繼書云自五經之外百氏之書未有聞而不求得而不  
觀者諸引動字有弗辭爲狀或句字已偶則不復加代字以  
重捐矣其加者則以代字先乎動字與下例同所異者下例

無首踞之語耳論語云子曰俎豆之事則嘗聞之矣軍旅之事未之學也其二句未之學也之乃學字止詞重指前頓今以先乎學字者則未字之故也孟子云仁智周公未之盡也許侯之禮吾未之學也僖公二十八年云楚君之惠未之敢忘是以在此諸引皆有未字爲狀故以重指代字先乎其外動字也

以上諸引其踞首者名代頓三者而已而先之以豆又以止詞重指者亦此例也中庸云故栽者培之傾者覆之栽者傾者突起有似一豆之字指之論語云可者與之其不可者拒之老者安之朋友信之少者懷之孟子云五十而慕者予於

大舜見之矣、無恒產而有恒心者、惟士爲能、君子居是國也、其君用之、則安富尊榮、襄公二十六年云、大夫逆於賓者、執其手而與之言道逆者、自車揖之、逆於門者、頓之而已、叔孫通列傳云、諸言盜者、皆罷之、汲鄭列傳云、合已者、養侍之、不合已者、不能忍見、路溫舒傳云、正言者、謂之誹謗、過過者、謂之妖言、許國公神道碑云、自吾舅歿、五亂於汴者、吾苗婦而髮櫛之幾盡、然不一揃刈、不足令震懾、與衛中行書云、存乎己者、吾將勉之、存乎天存乎人者、吾將任彼、而不用吾力焉、與崔羣書云、其所不能、不強使爲、諸所引、皆以豆先起詞、而下文止詞可指焉、其不指者、有不辭也、孟子惟上爲能一句、

不重指者能字之先已有爲寧故中庸云唯聖者能之與此同而異者非與至兩粵傳云親兄弟在眞定者已遣人存問此無弗辭而不重指者以存問二字已偶矣加之二字以參之則不便誦矣所謂聲調者此也

間有以轉詞先置者莊公九年云子糾親也請君討之管召讐也請受而甘心焉第一句常例也第二句甘心焉者猶云甘心於管召也是管召爲轉詞今先置而以焉字重指之昭公十三年云叔向曰諸侯不可以不示威猶云不可不示威於諸侯也諸侯先置後無重者不辭狀也燕策云夫不憂百里之患而重千里之外計無過於此者於此者轉詞也重指

前頓論語云曾子曰以能問於不能以多問於寡有若無實若虛犯而不校昔者吾友嘗從事於斯矣於斯者轉詞也指前五頓此例見於同次而未詳以其爲作家所重故博引以盡其變

系二凡外動字狀以弗辭或起詞爲莫無等字其止詞如爲代字者概位乎外動之先非代字而先焉者蓋寡

外動字有弗辭或起詞爲無莫等字其止詞若爲代字位在外動字之先此例已詳於卷之四外動字篇矣茲姑再引數則以明之襄公十年云余恐亂命以不女違違字外動其止詞女代字故先焉昭公十二年云今鄭人貪賴耳田而不我

與我若求之，其與我乎？哀公六年云：三代命祀，祭不越望，江漢睢漳楚之望也。禍福之至，不是過也。襄公四年云：子蕩射子罕之門，曰：幾日而不我從？知北遊云：吾聞狂屈、狂屈欲告我而不我告，非不我告，中欲告而忘之也。齊物論云：我勝若，若不我勝，我果是也，而果非也邪？至樂云：吾觀世俗之樂，舉羣趣者誼誼然，如將不得已而皆曰樂者，吾未之樂也。亦未之不樂也。諸引止詞代字，先乎其動字者，以動字爲彌辭所狀也。

齊語云：故天下諸侯既許桓公莫之敢背，莫之敢背者，莫敢背之也。莫爲起詞，之乃先焉。定公四年云：會同難，疇有煩言。

莫之治也其使祝佗從襄公二十六年云夫以信召人而以  
儻濟之必莫之與也其二十四年云夫子復莫之止必不出  
三引皆以莫字爲起詞止詞所以先也檢閱卷四外動字則  
加詳焉

止詞非代字而有先焉者昭公二十四年云老夫其國家不  
能恤敢及王室猶云老夫不能恤其國家也國家名字而亦  
先焉矣隱公十一年云寡人唯是一二父兄不能共億其敢  
以許自爲功乎猶云寡人唯不能共億是一二父兄也項羽  
本紀云臣死且不避卮酒安足辭猶云臣且不辭死安辭卮  
酒也賈子淮南篇云陛下於淮南王不可謂薄矣然而淮南

王天子之法，咫踰促而弗用也。皇帝之令，咫批傾而不行也。  
咫字釋詞解如則字，天子之法，皇帝之令，兩止詞先置，不特此也。蔡仲之命云：詳如視聽，罔以側言，改厥度則予一人汝嘉。汝嘉者，嘉汝也。汝雖代字，而嘉無弗詞，亦先焉矣。君牙云：今命爾子翊，作股肱心膂。子翊者，翊予也。同上。荀子勸學篇云：是無它故焉，或爲之，或不爲爾。盧從元刻於不爲下增之字，羣書治要無之字，雜志謂之字蒙上而省也是也。否則應云：或不之爲爾也。

系三詢問代字爲止詞，則先其動字爲司詞，則先其介字。此例詳二卷詢問代字節論語云：子將奚先？奚止詞，今先先

字詢問代字也。公羊宣公六年云：夫畚曷爲出乎閩？曷爲者爲何也？曷先介字，亦詢問代字也。

系四止詞先乎動字者，倒文也。動字如有弗辭，或有疑辭者，率參之字辭氣確切者，或參是字。

此例詳七卷之字節。僖公十五年云：君亡之不恤，而羣臣是憂患之至也。猶云：君不惜其亡，而惟憂羣臣也。皆倒文也。一有弗辭，則參之字一有專辭，則參是字。

彖四

凡轉詞繫於動字者，其先後之位，與所用介字，一以所繫動字之類爲別。

曰動字則內外動字與受動皆舉焉外動內動與受動之轉詞其位之先後與所用介字已詳四卷孟子云王如施仁政於民施外動字於民兩字後之者其轉詞也又云柳下惠不以三公易其介易外動字也以三公三字先之者其轉詞也又云聖人與我同類者與我兩字先乎同字秦策云臣恐王爲臣之投杼也爲臣兩字先乎投字又隱公元年云公語之故且告之悔語告兩動字後所有故悔兩字皆轉詞並無介字爲介以上所引外動字之轉詞也荀子榮辱篇云通者常制人弱者常制於人制動字於人者受動之轉詞也此受動諸式之一商君列傳云常人安於故俗學者溺於所聞安溺

二字、內動也。其轉詞介於字而後焉。孟子云：夫仁政必自經界始。始內動字，其轉詞介自字而先焉。僖公二十八年云：晉侯夢與楚子搏。搏內動字，其轉詞介與字而亦先焉。以上所引內動字之轉詞也。至諸轉詞所處先後之位，其常其變皆詳四卷。

系一記處轉詞有有介無介之別

前卷論記處不一。其處附於內動字者，則詳於四卷內動字節。記以狀字者，則詳於七卷狀字。記以名字者，則詳於三卷之賓次節。此系所論無介字者，同賓次節。餘同內動字節。莊公二十八年云：楚令尹子元歸自伐鄭，而處王宮。自伐鄭者，

言從來之處也僖公二十七年云出于五鹿乞食於野人兩于字亦言所自也然凡言從來之處概以自字爲介而置先於其動字五帝贊云吾嘗西至崆峒北過大陸東漸於海南浮江淮矣過大陸浮江淮記所經之處也無介字刺客列傳云兄竊不自外言足下於太子願足下過太子於宮於宮者言太子所在之處也過太子者所經見之人也則無介字隱僖公四年云五月辛丑太叔出奔共共者奔至之處也無介字公元年云賜我先君履東至于海西至于河南至于穆陵北至于無棣四至于言所至之處也則有介字矣魏其列傳云魏其謝病屏居藍田南山之下藍田南山下記所在之處

也而無介字者史漢言所在之地介字槩從刪也莊公二十  
八年云楚令尹子元欲蠱文夫人爲館於其宮側而振萬焉  
於其宮側者記所在之處而介以於字也論語云十室之邑  
必有忠信如某者焉隱公元年云大隧之中其樂也融融大  
隧之外其樂也洩洩宣公十二年云城濮之役晉師三日殺  
文公猶有憂色秋水去秋水時至百川灌河涇流之大兩涘  
渚崖之間不辨牛馬達生云人之所畏枕席之上飲食之間  
而不知爲之戒者過也孟子云臣聞郊關之內有圃方四十  
里隱公十一年云鄭伯使許大夫百里奉許叔以居許東偏  
所引內有以邑中外役間上內偏等字以記處者要亦詳於

三卷之賓次節可檢閱也

系二記時轉詞概無介字爲介

僖公二十四年云蒲城之役君命一宿女卽至其四年云姬  
寘諸宮六日公至毒而獻之襄公十年云帶其斷以徇於軍  
三日一宿六日三日皆記幾時之間也僖公二十二年云我  
二十五年矣又如是而嫁則就木焉孟子云由孔子而來至  
於今百有餘歲兩引皆記旣往至今之時也成公十八年云  
二三子用我今日否亦今日論語云吉日必朝服而朝兩引  
記事成之時也哀公元年云越十年生聚而十年敎訓二十  
年之外吳其爲沼乎周勃傳云君後八歲而侯侯八歲爲將

相此記未來之時也。凡記此四時類無介字爲介，然終不失有介字之義，故以列於轉詞。其詳則見諸三卷之賓次節，至記時而輒以中間等字者，亦詳是節。

系三凡記價值度量里數距度之文，皆無介字爲介，而記事之所以所爲者，則介介字。

滑稽列傳云：此時孟嘗君有一狐白裘，直千金，逍遙遊云客聞之，請買其方百金，千金百金，記價也。昭公二十六年云：射之中，楯瓦絛胸汰軺七入者三寸。論語云：必有寢衣，長一身有半，三寸一身有半，記度量也。李將軍列傳云：前未到匈奴陳二里所，定公十四年云：閼廬傷將指還卒於脰，去攜李七

里烏氏廟碑云能書領所部兵塞其道塹原累石綿四百里深高皆三丈三引皆記里數也哀公元年云楚子圍蔡報柏舉也里而栽廣丈高倍里而栽者言距蔡城一里而版築也廣丈高倍言度也賈山傳云道廣三十步三丈而樹三丈而樹者言樹樹各距三丈也此記距度也此以上皆無介者並見三卷賓次節

孟子云子產聽鄭國之政以其乘輿濟人於溱洧昭公四年云以家量貸而以公量收之一引所以濟者一引所以貸與收者皆記所以也李將軍傳云廣行取胡兒弓射殺追騎以故得脫游俠列傳云解布衣爲人行權以睡毗殺人莊公十

二年云，蔡哀侯爲華故，繩息媯以語楚子襄公十九年云，樂懷子曰，其爲未卒事於齊故也乎，四引皆言故而以以爲兩介字介焉，凡有介字與司詞皆可統名之曰轉詞，轉詞之用之正變，皆詳於八卷介字。

### 彖五

凡句豆中字面少長而辭氣應少住者曰頓，頓者所以便誦讀於句豆之義無涉也，然起詞止詞轉詞與凡一切加詞，其長短之變微頓將安歸焉，故立彖五論頓頓之爲式不一。

一起詞有爲頓者。

秦策云，當此之時，天下之大，萬民之衆，王侯之威，謀臣之權，

皆欲決於蘇秦之策。起詞排頓四，每頓皆以名爲偏次焉。昭公三十一年云：若艱難其身，以險危大人，而有名章徹，攻難之士，將奔走之。若竊邑叛君，以徼大利而無名，食冒之民，將寘力焉。攻難之士者，起詞也。一頓攻難者，外動箇止詞，而爲偏次也。食冒之民者，起詞也。一頓，則以靜字附之。若偏次焉，也。齊物論云：山林之畏佳，大木百圍之穀穴，似鼻似口，似耳，似枅，似圈，似臼，似洼者，似汚者，首句記處，一頓也。第二句起詞，亦偏次之頓也。以後排頓，皆爲表詞，以表穀穴之形也。此以上起詞，皆以偏次之頓爲之者。隱公四年云：於是陳蔡方睦於衛，故宋公陳侯蔡人衛人伐鄭，圍其東門，五日而還。第

二句起詞四本名皆各爲頓凡排行必頓齊物論云百骸九竅六藏賅而存焉起詞三物名亦各爲頓排行故也又云喜怒哀樂虛嘆變慾姚佚啓態樂出虛蒸成菌日夜相代乎前而莫知其所萌相代之起詞卽前喜怒等十二字每頓二字共六排以上起詞皆以排頓爲之者隱公四年云此二人者實弑寡君敢卽圖之此二人者一頓名字前加指示代字而殿以者字以爲起詞也田子方云若夫人者目擊而道存矣吳語云勾踐請盟一介嫡女執箕帚以晐姓於王宮一介嫡男奉盤匜以隨諸御宣十二年云其佐先縠剛復不仁未肯用命其三帥者專行不獲所云若夫人者一介嫡女一介嫡

男其佐先穀其三帥者五頓皆起詞也是皆以代字  
詩學附於名字而成者也

宣公十二年云伐叛刑也柔服德也伐叛柔服兩頓各爲起詞每頓皆以外動偕其止詞爲之公羊桓公十一年云殺人以自生亡人以自存君子不爲也起詞兩頓隱公五年云故講事以度軌量謂之軌取材以章物采謂之物不軌不物謂之亂政亂政亟行所以敗也各句起詞皆爲一頓以上所引超詞之頓皆以散動與其止轉之詞爲之者其詳見五卷散動節

繫辭云是故夫象聖人有以見天下之贊而擬諸其形容象

其物宜是故謂之象此節首是故夫象一頓有若起詞然以爲下文所指也彖一之七系卽此志也此故不贅又起詞往往爲意之所重提置於先讀時應略頓者蘭相如列傳云大王必欲急臣臣頭今與璧俱碎矣臣頭一頓擲地有聲如云今臣頭與璧俱碎矣則弱矣淮陰侯列傳云今臣敗亡之虜何足以權大事乎今臣一頓有力敗亡之虜同次又一頓也荀子議兵篇云身苟非狂惑懶陋誰賂是而不改也哉身一頓哀公十一年云且子季孫若欲行而法則周公之典在若欲苟而行又何訪焉且子季孫一頓送鄭尚書序云公卿大夫士苟能詩者咸相率爲詩以美朝政以慰公南行之思公

卿大夫士一頓非起詞乃偏次也蓋偏次而爲頓者猶云公  
卿大夫士之中苟有能爲詩者也此見二卷約指代字孟子  
云市蜃而不征關譏而不征蜃無夫里之布市關廩皆作一  
頓讀隱公十一年云禮經國家定社稷序民人利後嗣者也  
禮隻字一頓叔孫通列傳云儀先平明謂者治禮云云儀總  
冒一頓所引各頓弁諸句首若起詞然故附識焉

二語詞有爲頓者

凡曰語詞則動字與其所繫者皆舉焉然旣曰語詞即句豆  
矣何以頓爲蓋單行語詞之爲句豆也固矣有時語詞短而  
多至三四排者諱時必少住焉此其所以爲頓也儒林傳云

今陛下昭至德開大明配天地本人倫勸學興禮崇化廣賢以風四方太平之原也陛下後三字者四四字者二要皆爲語詞謂之爲頓也可謂之爲句也亦可匡衡傳云宜遂減宮室之度省靡麗之飾考制度修外內近忠正遠巧佞放鄭衛進雅頌舉異材開直言任渴良之人退刻薄之吏顯絜白之士昭無欲之路覽六藝之意察上世之務明自然之道博和睦之化以崇至仁匡失俗易民視令海內昭然咸見本朝之所貴排行語詞共計十八頓同上昭公三十二年云己丑士彌牟營成周計丈數檣高卑度厚薄狃溝洫物土方議遠邇量事期計徒庸慮財用書餚糧以令役於諸侯計十一頓桓

公六年云公問名於申繻對曰名有五有信有義有象有假  
有類此五頓皆語詞分解名有五也又云以名生爲信以德  
命爲義以類命爲象取於物爲假取於父爲類此五頓續解  
繼云不以國不以官不以山川不以隱疾不以畜牲不以器  
幣周人以諱事神名終將諱之故以國則廢名以官則廢職  
以山川則廢主以畜牲則廢祀以器幣則廢禮晉以僖侯廢  
司徒宋以武公廢司空先君獻武廢二山是以大物不可以  
命共計前六頓後五頓末又三頓皆有外動止詞等字是頓  
分三排每排即可視作一句而每頓謂之爲句亦可又齊物  
論於形大木竅穴之後而記其聲則云激者謫者叱者吸者

叫者謙者。笑者咬者。共八頓。皆內動字。襯以者字。以爲表詞也。蓋廢穴非有激謫等聲也。惟其聲之似耳。此者字之用隱。公十一年云。禮經國家定社稷序民人利後嗣者也。三頓。皆散動字爲表詞也。統觀上引。凡語詞排行字少。誦時不能不爲之少住。故謂之頓耳。

三止詞轉詞有爲頓者

昭公十二年云。楚子狩于州來。次于穎尾。使蕩侯潘子司馬督。蕪尹午帥師圍徐。以懼吳。使後止。詞四本名。排作四頓。又云。昔我先王熊繹與呂伋。王孫牟。燬父禽父。並事康王。與介字。後四本名四頓。此轉詞之頓也。定公四年云。分魯公以大

路大族夏后氏之璜封父之駁弱殷民六族條氏徐氏蕭氏索氏長勺氏尾勺氏分魯公以後皆可爲轉詞之頓趙策云人主之子也骨肉之親也猶不能恃無功之尊無勞之奉以守金玉之重也而况人臣乎無功之尊無勞之奉兩止詞兩頓潮州刺史謝表云至於論述陛下功德與詩書相表裏作爲歌詩薦之郊廟紀泰山之封鏤白玉之牒鋪張對天之闕休揚厲無前之偉蹟編之乎詩書之策而無愧措之乎天地之間而無虧雖使古人復生臣亦未敢多讓至於後諸排皆頓也凡介字後司詞長者皆可謂頓可參閱七卷介字篇總之此詞轉詞之可謂頓者其式不及備載而尤習見者則凡

止詞爲意之所重者，先置句首耳。桓公二年云：夫德儉而有  
度，升降有數，文物以紀之，聲明以發之，以臨照百官。夫德兩  
字置句首，一頓。下文之字指焉。昭公二十年云：山林之木衡  
鹿守之，澤之萑蒲舟鮫守之，藪之薪蒸虞侯守之，海之鹽蜃  
祈望守之，計四句。每句止詞先置爲頓，此卽彖二系一之例。  
試檢閱之。刺客列傳云：老母在，政身未敢以許人也。政身乃  
以之司詞，先置一頓。此式可參觀卷七介字篇，至記價值度  
量里數距限等語，概爲賓次，有可爲頓者，則見於彖四之系  
三矣。

四狀語有爲頓者

凡狀字或名字集至兩字或三四字以記時記處者往往自成一頓無所名也名之狀語此與彖四之系一系二相類可參觀也其已成狀字者曹相國世家云乃者我使譲君也乃者狀字記時之頓見卷六狀字篇於是間者頓者今者始者近者不者又不然非然雖然與如是若是夫如是之屬皆可置諸句首以爲頓也而久之頓之與夫今也始也且也之屬亦此志也不甯唯是成公十六年云韓之戰惠公不振旅箕之役先軫不反命泌之師荀伯不復從皆晉之恥也韓之戰三字一頓記其事也餘同匈奴��傳云自是之後漢使欲辯論者中行說輒曰自是之後一頓記時凡以後先中外間則

等字記時與處者皆類此已見於卷三賓次節食貨志云先是十餘歲河決灌梁楚地固已數困先是十餘歲記時一頓又凡經傳如元年春王正月五月辛丑太叔出奔共初鄭武公娶於申曰武姜所記年月時日皆各爲一頓昭公二十五年云自莒疆以西請致于社以待君命昭公二十年云聊攝以東姑尤以西其爲人也多矣地名後介以東西方向諸字自成一頓所以記處也應科目時與人書云天池之瀆大江之瀆曰有怪物焉潮州謝上表云雖在萬里之外嶺海之陬待之一如畿甸之間輦轂之下計四字者六各襯偏次自爲一頓亦所以記處也而類此者往往而是此所謂狀語之爲

頓也

五同次有爲頓者

同次者同乎前次也卽所指者與前次所指者一也見三卷同次節達生云臣工人何術之有臣者斲輪自稱一頓工人自稱所執之事與臣同指斲輪一人故爲同次一頓此同次之爲頓也隱公十一年云鄭伯使許大夫百里奉許叔以居許東偏百里一頓與許大夫同爲賓次僖公四年云公殺其傅杜原款杜原款本名一頓與其傅同次其二十二年云狄伐唐皆如獲其二女叔隗季隗叔隗季隗本名一頓與二女同次襄二十四年云秦伯送衛於晉三千人寶紀綱之儀賓

紀綱之儀一頓與三千人同次襄公八年云敝邑之衆夫婦  
男女不遑啓處以相救也夫婦男女一頓昭公七年云匹夫  
匹婦僵死其魂魄猶能憑依於人况良霄我先君穆公之胄  
子良之孫子耳之子敝邑之卿從政三世矣良霄後四頓皆  
與同次昭公二十年云聲亦如昧一氣二體三類四物五聲  
六律七音八風九歌以相成也清濁小大短長疾徐哀樂剛  
柔遲速高下出入周疏以相濟也原性云其所以爲性者五  
曰仁曰禮曰信曰義曰智又云其所以爲情者七曰喜曰怒  
曰哀曰懼曰愛曰惡曰欲送節尚書序云其海外雜國若耽  
浮羅流求毛人夷寢之州林邑扶南真臘干陀利之屬東南

際天地以萬數或時候風潮入貢蠻胡賈人舶交海中凡所引平列諸名皆同次而可頓者也莊公二十八年云晉人謂之二五耦僖公七年云洩氏孔氏子人氏三族實違君命孟子云陳良之徒陳相與其弟辛曰二五耦曰三族曰陳相曰辛雖皆同次而可不謂之頓也其餘同次之可爲頓者可檢閱同次節諸引而別之

六言容諸語有爲頓者

句豆中往往有連兩字三字或四字五字以肖面貌體態服製情性材質等事類若狀語而誦時應少住者故謂之言容之頓孟子云孔子曰君薨聽於家宰敵弔面深墨即位而哭

歛粥兩字面深墨三字間於句中非起詞非語詞惟言諒陰之谷又歛粥者外動與止詞也而面深墨者則名字與其表詞也似豆非豆與上下文無涉也無可強名故謂之頓視同狀辭耳文公元年云且是人也纏目而豺聲忍人也不可立也纏目而豺聲一頓言其目如纏而聲如豺也宣公四年云是子也熊虎之狀而豺狼之聲不殺必滅若敖氏矣兩頓同上其十二年云訓之以若敖盼冒篲路藍縷以啓山林昭公十二年云雨雪玉皮冠秦復陶翠被豹舄執鞭以出其元年云吾與子弁冕端委以治民臨諸侯禹之力也秦策云說秦王書十上而說不行黑貂之裘敝黃金百斤盡資用乏絕去

秦而歸羸膝履蹻負書擔囊形容枯槁面曰黧黑面有愧色  
陸賈列傳云尉佗魋結箕倨見陸生又云陸生常安車駟馬  
從歌舞鼓琴瑟侍者十人寶劍直百金謂其子曰高帝紀云  
高祖爲人隆準而龍顏美須髯左股有七十二黑子寬仁愛  
人意豁如也又云秦王子嬰素車白馬係頭以組封皇帝璽  
符節降枳道旁霍光傳云光爲人沈靜詳審長財七尺三寸  
白皙疏眉目美須髯管晏列傳云其夫爲相抑擁大蓋策駟  
馬意氣洋洋甚自得也廉頗列傳云相如因持璧詎立倚柱  
怒髮上衝冠謂秦王曰食貨志云因其富厚交通王侯力過  
吏勢以利相傾千里遊敖冠蓋相望乘堅策肥履絲曳縞楊

憚傳云是日也拂衣而喜奮袖低昂頓足起舞刺客列傳云  
樊於期偏袒搯腕而進又云太子賓客知其事者皆白衣冠  
送之留侯世家云四人從太子年皆八十有餘髮眉皓白衣  
冠甚偉上怪之送殷員外序云朱衣象笏承命以行送石處  
士序云先生居嵩邙瀍穀之間冬一裘夏一葛食朝夕飯一  
盂蔬一盤又云坐一室左圖右史又云冠帶出見客新修滕  
王閣記云春生秋殺陽開陰閉令修於庭戶數日之間而人  
自得於湖山千里之外石鼎聯詩序云夜與劉說詩彌明在  
其側貌極醜黑鬚黑面長頸而高結喉中又作楚語喜視之  
若無人盤谷序云才峻滿前道古今而譽盛德入耳而不煩

曲眉豐頰清聲而便體秀外而蕙中飄輕裾弱長袖粉白黛  
綠者列屋而閑居爐龍而負恃爭妍而取勝少監馬君墓誌  
云姆抱幼子立側眉眼如畫髮漆黑肌內玉雪可念殿中君  
也當是時見王於北亭猶高山深林鉅谷龍虎變化不測傑  
魁人也退見少傅翠竹碧梧鸞鵠停峙能守其業者也幼子  
娟好靜秀瑤環瑜珥蘭蕙其芽稱其家兒也諸引內所有自  
二字以至五字之頓凡以肖面貌體態服製情性材質等者  
皆狀語也其爲頓也既與句豆之起詞語詞無涉而自集之  
字類又無定嵌諸句豆文勢頓宕前卷末之一言故博引諸  
式以爲則

至如平比之句亦以肖容也有以二三字續諸句尾宛若一頓然似此之句率連上文不可謂之頓也且比句必有所隱之語謂爲豆者近是昭公十二年云今與王言如馨如鬯者如馨之庶也又連上一氣讀是豆也非頓也定公九年云吾從子如驂之斬論語云回也視予猶父也予不得視猶子也昭公二十年云事建如事余又云自以爲猶宋鄭也又云歸從政如他日應帝王云至人之用心若鏡孔君墓誌銘云君於爲義若嗜慾勇不顧前後於利與祿則畏避退處如怯夫凡引內所言如若猶以爲比者皆有隱語實豆也不得視猶頓也而所以引之者蓋無於歸故附此使式焉爾

彖六

凡有起詞語詞而辭氣未全者曰豆豆有豆之式有豆之用豆之式有一曰記曰位記有三

一接豆代字也

公羊莊公十二年云天下諸侯宜爲君者唯魯侯爾宜爲君者一豆而爲起詞也者字接豆代字也凡有接豆代字者斯爲豆成公二年云不可則聽客之所爲客之所爲者止詞也一二豆所字接豆代字也秋水云無形者數之所不能分也不可圍者數之所不能窮也兩句句集兩豆起詞之豆有者字表詞之豆有所字人間世云存於己者未定何暇暴人之所

行兩句第一句起詞者字爲豆第二句止詞所字爲豆人間世云回聞衛君其年壯其行獨輕用其國而不見其過其年壯其行獨兩其字指衛君而居偏次所以領豆也老莊列傳云子所言者其人與骨皆已朽矣獨其言在耳其人與骨同上秋水云此其比萬物也不似毫末之在於馬體乎其接此字豆之起詞以上所引皆已詳卷二接豆代字矣故接豆代字者乃所以爲豆之記也又其字指名用於主次或單用或與連字並用所附者惟豆而已亦見卷二指名代字齊物論云其發若機括其司是非之謂也其留如詛盟其守勝之謂也兩用其字指名代字皆爲豆之起詞昭公二十年云雖其

善祝、豈能勝億兆人之祖。雖其二字雖連字其起詞故凡豆之起詞有用代字爲指者概爲其字是則同一其字或接豆或指名其爲用則一其位則緊接所指而嵌於句中者接豆代字也遙應所指者指名代字也詳觀卷二代字之有涉乎其字者知所區別矣者字之所以爲接豆代字者以其爲豆之起詞而有所指也不則者字惟爲煞豆之用蕭相國世家云王暴衣露蓋數使使勞苦君者有疑君心也項羽本紀云天下匈匈數歲者徒以吾兩人耳兩引者字而兩豆之起詞皆已備在則者字之無所指也明矣此已見諸卷二接豆代字矣又見諸卷九傳信助字矣夫如是蕭相國世家云上暴

露於外而君守於中非被矢石之事而益君封置衛者淮陰侯新反於中有疑君心矣留侯世家云昔者湯伐桀而封其後於杞者度能制桀之死命也儒林傳云陳涉起匹夫敵道成以立號不滿歲而滅亡其事至微淺然而措紳先生負禮器往委質爲臣者何也以秦禁其業積怨而發憤於陳王也齊策云孟嘗君爲相數十年無纖介之禍者馮煖之計也三國志諸葛亮傳云士大夫隨大王久勤苦者亦欲望尺寸之功如純言耳又云然侍衛之臣不懈於內忠志之士忘身於外者蓋追先帝之殊遇欲報之於陛下也歷引諸者字既非起詞又無所指蓋惟用以煞豆以明辭氣之未完而已

一起語兩詞之間參以之字也。

此例詳諸七卷之字節。孟子云：北宮黝之養勇也、不膚撓、不目逃。流水之爲物也、不盈科不行。君子之志於道也、不成章不達。故民之從之也輕。吾之不遇魯侯天也、不知子都之姣者、無目者也。張中丞傳後叙云：愛鑽雲之勇且壯、不聽其語。淮陰侯列傳云：諸侯之見項王遷逐義帝置江南、亦皆歸逐其主而自王善地。又云：信之下魏破代漢、輒使人收其精兵、詣榮陽以距楚。自序云：我欲載之空言、不如見之於行事之深切著明也。襄公二十九年云：夫子之在此也、猶燕之巢於幕上。坊者傳云：雖然、其賢於世之患不得之而患失之者、以

濟其生之欲貪邪而亡道以喪其身者蓋亦遠矣歷引諸豆或爲起詞止詞或爲司詞其起詞坐動之間皆有之字參焉故參以之字者乃所以爲豆之記也

三、弁豆之連字也。

凡連字之必弁乎豆者惟推宕者爲然以爲兩連字先乎句則所弁者豆後則爲句凡此皆詳於卷八連字矣隱公十一年云寡人若朝于薛不敢與諸任齒君若辱覬寡人則願以膝君爲請魏其列傳云即宮車晏駕非大王立當誰哉公羊宣公十二年云君如矜此喪人錫之不毛之地使帥一二耄老而綏焉請唯君王之命梅福傳云誠能勿失其柄天下雖

有不順莫敢觸其鋒答孟尚書書云與之語雖不盡解要自  
胸中無滯礙又云雖然使其道由愈而粗傳雖滅死萬萬無  
恨汲鄭列傳云且已在其位縱愛身奈辱朝廷何東方朔傳  
云使蘇秦張儀與僕並生於今之世曾不得掌故安敢望侍  
郎乎諸引內有若卽如使雖縱會諸連字皆所以爲豆之記  
故所并者皆豆也吳語云爲使者之無遠也孤用親聽於藩  
籬之外平準書云鄭當時爲渭濱渠回遠鑿直渠自長安至  
華陰作者數萬人汲鄭列傳云夫以大將軍有捐容反不重  
邪兩粵傳云朕以王侯吏不釋之故不得不立今即位兩引  
爲字兩引以字以其先乎句也辭氣未完故所并者爲豆食

賀志云聖王在上而民不凍飢者非能耕而食之織而衣之也爲開其資財之道也故堯禹有九年之水湯有七年之旱而國亡捐瘠者以蓄積多而備先具也所引分兩段每段皆有結束之句第一結束爲字領之第二結束以字領之則爲以兩連字所弁者又爲句矣此以爲兩連字之所弁者爲豆爲句一視其位之謂也

位亦有三一豆先乎句而有助字爲殿者

豆之殿以也字者最所習見而矣耳焉諸傳信助字與乎哉耶諸傳疑助字皆可假以煞豆者已散見於九卷助字矣茲爲各舉一二以示隅文公二年云君子是以知秦穆公之爲

君也舉人之周也與人之壹也孟明之臣也其不解也能憚思也子桑之忠也其知人也能舉善也九也字煞豆者五皆先乎句煞句者四皆後乎豆齊策云故剛平之殘也中牟之墮也黃城之隊也棘蒲之燒也此皆非趙魏之欲也穀梁桓公十四年云國非無良農工女也以爲人之所盡事其祖禰不若以己所自親者也扁鵲列傳云越人非能生死人也此自當生者越人能使之起耳引內也字所煞者之豆其位皆先乎句也昭公三年云姜族弱矣而媯將始昌楚策云今妾自知有身矣而人莫知楊惲傳云人生行樂耳須富貴何時賈誼傳云逐利不耳慮非顧行也昭公三十一年云民之服

焉不亦宜乎其十二年云若間遠焉其焉能知之賈誼傳云  
豈惟胡亥之性惡哉彼其所以道之者非其具也駢母云駢  
母枝指出乎性哉而侈於生燕策云寡人雖不肖乎未如殷  
紂之亂也君雖不得意乎未如商容箕子之累也荀子榮辱  
篇云將以爲智邪則愚莫大焉將以爲利邪則害莫大焉以  
上所引矣焉耳與乎哉邪諸助字所煞之豆皆位先乎句是  
非諸助字所殿者之必爲豆也乃其所位者之先乎句而辭  
氣又惟豆之是稱也此不可不辨也

一二豆先乎句而有起詞爲聯者

夫句者乃以達所說之正義也欲明正義應將前後左右之

情境先述焉而正義乃明故凡豆之先乎句者皆所以述正義之情境也豆之先乎句而有助字爲煞者前節已言之矣其無助字爲煞者有有起詞無起詞爲聯之別無起詞爲聯者下節言之有起詞爲聯者如隱公三年云宋穆公疾召大司馬孔父而屬殤公焉傳之正義記穆公之召耳故爲句曰疾者言召之故也故爲豆有其故而後有其事故先豆於句疾也召也皆宋穆公也故曰宋穆公爲起詞所以聯句豆也莊公二十八年云楚令尹子元欲壘文夫人爲館於其宮側而振萬焉欲壘文夫人者言故之豆先乎句聯乎句豆者則皆以令尹子元爲起詞也是年又云驅姬嬖欲立其子昭公

嬖梁五與東關嬖五論語云君子食無求飽居無求安呂后紀云太尉尙恐不勝諸呂未敢訟言誅之逍遙遊云堯治天下之民平海內之政往見四子藐姑射之山汾水之陽賈捐之傳云今陛下不忍區區之忿欲驅士衆擠之大海之中快心幽冥之地非所以救助飢餓保全元元也宣公二年云晉靈公不君厚斂以彫牆從臺上彈人而觀其辟丸也其十二年云孤不天不能事君使君懷怒以及敝邑孤之罪也楊燕奇碑文序云公結髮從軍四十餘年敵攻無堅城守必完臨危蹈難歎歎感發乘機應會捷出神怪不畏義死不榮幸生故其事君無疑行其事上無間言太原郡公神道碑文云公

起外戚子弟秩卑年少歲餘超居上班官尊職大朝夕兩宮而能敬讓以敏持以禮法不挾不矜樂毅列傳云諸侯害齊湣王之驕暴皆爭合從與燕戍齊扶風郡夫人墓誌銘云初司徒與其配陳國夫人元氏惟宗廟之尊重繼序之不易賢其子之才求婦之可與齊者王君墓誌銘云君諱適姓王氏好讀書懷奇負氣不肯隨人後選見功業有道路可指取有名節可以戾致困於無資地不能自出諸引皆豆先乎句而豆句皆同一起詞以爲聯也其實此例與彖一之三系同義總之華文動字無變故惟以動字之位之先後以爲豆句之別若泰西古今文字其動字有變故遇此種句法率以動

字之變同乎靜字者爲豆而句豆判然矣。

三豆先乎句而無起詞爲聯者。

此節之異於前節者在無起詞以聯句豆耳卽有焉而亦不相共夫豆之先既無起詞則或挺接前文或疊用前語爲接者皆此例矣論語云立則見其參於前也在輿則見其倚於衡也夫然後行立在之前皆無起詞而立二字先乎句而各自爲豆此卽無起詞先乎句豆爲聯之式也夫如是君子之九思視思明聽思聰色思溫貌思恭言思忠事思敬疑思問忿思難見得思義九句各有豆以先焉猶云方其視也明思所以能明也他句同此僖公十五年云出因其資入用其

寵飢食其粟三句同上哀公十一年云得志於齊猶獲石田也無所用之越不爲沼吳其泯矣使醫除疾而曰必遺類焉者未之有也共三句第一句無所用之先之者豆也亦無起詞西域傳贊云民力屈財用竭因之以凶年盜賊竝起道路不通直指之使始出衣繡杖斧斷斬於郡國然後勝之自民力屈挺起至道路不通皆以記直指未出之情斯謂之豆又衣繡挺接至郡國言能勝之由亦豆也句豆皆有起詞而又各不相共匡衡傳云道德弘於京師淑問揚乎疆外然後大化可成禮樂可興也同上又秦策云據九鼎按圖籍挾天子以令天下天下莫敢不聽與僖公三十年云秦晉圍鄭鄭既

知亡矣襄公三年云君合諸侯臣敢不敬君師不武執事不  
敬罪莫大焉臣懼其死以及揚干無所逃罪不能致訓至於  
用鉞臣之罪重敢有不從以怒君心又云合諸侯以爲榮也  
揚干爲戮何辱如之僖公十年云君非姬氏居不安食不飽  
我辭姬必有罪君老矣吾又不樂桓公八年云不當王非敵  
也莊公八年云曰捷吾以女爲夫人陳湯傳云報十年之逋  
誅雪邊吏之宿恥威震百蠻武暢西海漢元以來征伐方外  
之將未嘗有也權公墓碑云薦士於公者其言可信不以其  
人布衣不用即不可信雖大官勢人交言一不以緝意諸此  
所引其句豆或散或整或長或短莫不挺接上文而句豆之

起詞有皆無者，有皆有而不同者，所以極用句豆之變。庶聞者有所心得，而徵之於書，不至隔閼焉斯可矣。大學云：詩云宜兄宜弟，宜兄宜弟，而后可以教國人。疊接宜兄宜弟者，卽有若是之解。故疊接者自成爲豆矣。中庸云：其次致曲。曲能有誠一節，疊用前文一字，唯天下至誠爲能盡其性能盡其性，則能盡人之性。疊一句論語，名不正一節，亦疊一句。孟子云：以力假仁者霸，必有大國。以德行仁者王。王不待大，又云：得道者多助，失道者寡助。寡助之至，親戚畔之；多助之至，天下順之。以天下之所順，攻親戚之所畔，故君子有不戰戰必勝矣。又云：晉國亦仕國也。未嘗聞仕如此其急，仕如此其

急也君子之難仕何也隱公四年云夫寵而不驕驕而能憾  
憾而能畛者鮮矣又云夫州吁阻兵而安忍阻兵無衆安忍  
無親衆畔親雖難以濟矣僖公三十二年云秦師輕而無禮  
必敗輕則寡謀無禮則脫入險而脫又不能謀能無敗乎昭  
公二十五年云衆怒不可蓄也蓄而弗治將蘊蘊蓄民將生  
心生心同求將合君必悔之穀梁僖公二年云且宮之奇之  
爲人也達心而懦又少長於君達心則其言略懦則不能強  
諫少長於君則君輕之其十年云世子之傳里克謂世子曰  
入自明入自明則可以生不入自明則不可以生楚策云誠  
以君之重而進妾於楚王王必幸妾妾賴天而有男則是君

之子爲王也燕策云王若欲攻之則必舉天下而圖之舉天下而圖之莫徑於結趙矣叔孫通傳云太子天下本本一搖天下震動匈奴列傳云今單于變俗好漢物漢物不過什二則匈奴盡歸於漢矣衛將軍列傳云陛下幸已盡封臣青臣青子在彊褓中未有勤勞大宛列傳云即不聽我盡殺善馬而康居之牧且至至我居內康居居外與漢軍戰漢軍熟計之何從簡相如列傳云今縱君家而不奉公則法削法削則國弱國弱則諸侯加兵諸侯加兵則語泄語泄是韓舉國而與仲子爲讎豈不殆哉李斯列傳云今一使者卽自殺安知其非詐請復請復而後死未暮也師說云人非生而知之者

孰能無惑惑而不從師其爲惑也終不解矣送王秀才序云  
故學者必慎其所道道於楊墨老莊佛之學而欲之聖人之  
道猶航斷港絕潢以望至於海也諸此引皆疊用前文或字  
或句而自成爲豆者以其無起詞之先故列於此斯式之豆  
前卷末之一言故續引若是凡疊用前文以之成豆者居多  
而以成句者亦有焉如僖公十年云公祭之地地墳與犬犬  
斃與小臣小臣亦斃三疊前字皆爲句之起詞史記以疊字  
爲接者最習見有不泥於成豆成句者矣張陳列傳云然今  
范陽少年亦方殺其令自以城距君君何不齎臣侯印拜范  
陽令范陽令則以城下君少年亦不敢殺其令令范陽令乘

朱輪華轂馳驅燕趙郊燕趙郊見之皆曰此范陽令先下者  
也四疊前文之字惟用以承接耳而非以成句豆也夫疊用  
前文者卽重言前文若是也惟然而惟然如是若是夫如是  
等語之先乎句者皆如重申前文而自成爲豆矣論語云夫  
如是故遠人不服則修文德以來之成公八年云惟然故多  
大國矣大宗師云若然者過而弗悔當而不自得也又云夫  
若然又惡知死生先後之所在趙充國傳云如是虜兵寢多  
誅之用力數倍梅福傳云若此則天下之士發憤懣吐忠言  
嘉謀日聞於上上崔虞部書云如是則可見時之所與者時  
之所不與者之相遠矣諸引皆以如是等語重申前文者也

至此而豆之諸式全矣。進論其用，

豆之用有三焉。其一用如名字者。

凡豆之用，皆已散見於前，此第類焉耳。故不詳名字之用於句豆也。或爲起詞，或爲止詞，或爲轉詞而已。是則豆之用如名字者亦有三焉。一用爲起詞者，論語云：始吾於人也，聽其言而信其行。今吾於人也，聽其言而觀其行。兩豆之煞以也字者，各爲句之起詞。又云：其行已也恭，其事上也敬，其養民也惠，其使民也義。四起詞之豆，同上。孟子云：爲機變之巧者，無所用恥焉。又云：烏獸之害人者，消穀梁莊公二十八年云。古之君人者，必時視民之所勤。欒公墓碑文云：其所設張擧

措必本於寬大以幾教化秋水云五帝之所運三王之所爭仁人之所憂在士之所勞盡此矣桓公六年云所謂馨香無譏惡也莊公六年云亡鄧國者必此人也德充符云徒之遊者與夫子中分魯八引起詞之豆皆以接豆代字爲之者隱公元年云穎考叔爲穎谷封人聞之有獻於公宣公十五年云君能制命爲義臣能承命爲信信載義而行之爲利襄公二十八年云天之愛民甚矣豈其使一人肆於民上以從其淫而棄天地之性必不然矣宣公十二年云今我使二國暴露骨暴矣代齋郎議云學生或以通經學或以能文稱其微者至於習法律知字書皆有以贊於教化以使令於上者也對

禹問云得其人而傳之堯舜也無其人慮其患而不傳者禹  
也又六引諸起詞皆豆也而豆不一式以見凡豆之皆可爲  
起詞也

二用爲止詞者論語云孰謂邾人之子知禮乎定公問君使  
臣臣事君如之何願車馬衣輕裘與朋友共惜乎吾見其進  
也未見其止也宣公十二年云于民生之不易禍至之無日  
戒懼之不可以怠公羊隱公元年云隱於是焉而辭立則未  
知桓之將必得立也且如桓立則恐諸大夫之不能相幼君  
也宣公三年云楚子問鼎之大小輕重焉公羊隱公七年云  
曷爲大之不與夷狄之執中國也成公二年云不可則聽客

之所爲平準書云屯戍者多邊粟不足給食當食者秋水云無形者數之所不能分也不可圖者數之所不能窮也穀梁莊公元年云仇讐之人非所以接昏姻也衰麻非所以接弁冕也房君墓誌銘云今壓於上命不得見吾兄之入此土也豈非天邪盧君墓誌銘云天下未知君者惟奇大夫之取人也不常必得人其知君者謂君之從人也非其常守必得其從諸引止詞皆有豆爲之者而豆之爲式亦至不齊故略舉焉內兩引以豆爲表詞者附志焉其不及引者皆見前卷又凡動字後有使令之豆者亦可附志於此僖公二十八年云今天誘其衷使皆降心以相從也又云甯食貨幣使薄其醕

宣公十一年云孤不夭不能事君使君懷怒以及敝邑孤之罪也公羊莊公三十二年云行誅乎兄隱而逃之使託若以疾然田子方云物無道正容以悟之使人之意也消襄公十四年云天生民而立之君使司牧之勿使失性有君而爲之貳使師保之勿使過度張釋之列傳云卑之毋甚高論令今可施行也此使令之豆繫於動字之後若爲其止詞者然至於如過諸字之後接以所與比之豆亦可視同止詞淮陰侯列傳云夫以交友言之則不如張耳之與成安君者也以忠信言之則不過夫大夫種范蠡之與勾踐也此二人者足以觀矣天道云已至矣又何偈偈乎揭仁義苦繫鼓以求亡子

焉貨殖列傳云趨畔若猛獸摯鳥之發淮陰侯列傳云故曰  
猛虎之猶豫不若蜂蠻之致螫狼驥之跼躅不如駒馬之安  
步孟嘗之狐疑不如庸夫之必至也雖有舜禹之知吟而不  
言不如瘖聾之指磨也諸引如若等字後皆有豆與比一若  
止詞然者故識於此與四卷同動字同義

三用爲轉詞者宣公十二年云趙旃求卿未得且怒於失楚  
之致師者請挑戰弗許又云訓之以若敖盼冒築路藍縷以  
啓山林孟子云王無異於百姓之以王爲愛也欲以所事孔  
子事之僖公二十八年云爲其所得者棺而出之人間世云  
故解之以牛之白頰者與豚之亢鼻者與人有痔病者不可

以之適河此皆巫祝以知之矣坊者傳云雖然其賢於世之患不得之而患失之者以濟其生之欲貪邪而亡道以喪其身者蓋亦遠矣諸引內於以爲諸介字後其所司者皆豆也而皆爲動字轉詞惟賢字後於字所介者比豆也又刺客列傳云今乃以妾尚在之故重自刑以絕從妾其奈何畏殺身之誅終滅賢弟之名萬石君列傳云高祖東擊項籍過河內時齋年十五爲小吏侍高祖張陳列傳云然而慈父孝子莫敢寧刃公之腹中者畏秦故耳養生主云始臣之解牛之時所見無非牛者上張良射書云受牒之明日在使院中有小吏持院中故事節月十餘事示急所引內如妾尚在之故過

河內時異秦故臣之解牛之時與受牒之明日是皆以豆爲偏次也以其爲之字所介故繫於轉詞之後

其二用如靜字者

凡豆之用如靜字者卽豆之用爲表詞也而豆之用爲表詞者有熟以助字者綴以靜字而最爲習用者則接豆代字也其熟以也字者隱公元年云穎考叔純孝也愛其母施及莊公純孝而熟以也字所以表穎考叔之爲人也定公四年云三者皆叔也而有令德故昭之以分物皆叔也如上隱公四年云公子州吁嬖人之子也有寵而好兵嬖人之子也同上宣公四年云諺曰狼子野心是乃狼也其可畜乎又云君天

也天可逃乎秦策云，刼天子惡名也，而未必利也。以上皆以  
也字煞表詞之豆，煞矣字耳。字者問亦有焉。見卷九各助字  
下其緣以靜字者，隱公四年云，衛國褊小，老夫耆矣。此二人  
者，實弑寡君，政卽圖之，褊小兩靜字之緣於衛國，而爲表詞  
也，猶耄矣之爲老夫之表詞也。此兩語卽所以譖陳國圖之  
之故，故謂之豆。僖公二十二年云，彼衆我寡，及其未既濟也。  
請擊之。衆寡兩靜字同上。襄公三十年云，國小而倔族大寵  
多不可爲也。桓公六年云，吾牲牷肥腯，粢盛豐備，何則不信。  
宣公十二年云，晉之從政者新，未能行令，其佐先穀，剛復不  
仁，不肯用合。宣公三年云，德之休明，雖小重也。其姦回昏亂。

雖大輕也昭公三年云子之宅近市湫溢羣塵不可以居哀  
公十六年云吾聞勝也許而亂毋乃亂乎子西曰吾聞勝也  
信而勇不爲不利吳語云大夫種勇而善謀將還玩吳國於  
股掌之上以得其志諸引皆以靜字綴諸名字後而成爲表  
詞之豆者也

惟豆之有接豆代字也則其用如靜字者審必矣論語云我  
非生而知之者猶云我不是生而知之之人也故生而知之  
者一豆者接豆代字也今爲表詞故用若靜字者然孟子云  
天之所廢必若桀紂者猶云天所廢之人必如桀紂之人也  
故兩豆皆用如靜字楚世家云請遂畫地爲蛇蛇先成者獨

飲之齊世家云臨菑甚富而實其民無不吹竽鼓瑟彈琴擊  
筑鬪雞走狗六博蹋鞠者蘇秦列傳云龍賈之戰岸門之戰  
封陵之戰高商之戰趙莊之戰秦之所殺三晉之民數百萬  
今其生者皆死秦之孤也劉歆傳云且此數家之事皆先帝  
所親論今上所考視其古文舊書皆有徵驗外內相應豈苟  
而已哉復上書云愈聞之蹈水火者之求免於人也不惟其  
父兄弟之慈愛然後呼而望之也將有介於其側者雖其所憎  
怨苟不至乎欲其死者則將大其聲疾呼而望其仁之也答崔  
立之書云夫所謂博學者豈今之所謂者乎夫所謂云辭者  
豈今之所謂者乎與柳中丞書云韻頃作氣勢竊

位自尊大者肩相摩地相屬也不聞有一人援桴鼓鼙衆而  
前者送王損序云吾嘗以爲孔子之道大而能博門弟子不  
能徧觀而盡識也故學焉而皆得其性之所近其後離散分  
處諸侯之國又各以所能授弟子原遠而未益分董公行狀  
云在宰相位凡五年所奏於上前者皆二帝三王之道由秦  
漢以降未嘗言退歸未嘗言所言於上者於人子弟有私問  
者公曰宰相所職繫天下天下安危宰相之能與否可見欲  
知宰相之能與否如此視之其可凡所謀議於上前者不足  
道也諸此所引凡有者所兩字之豆皆用如靜字者然蓋若  
此之豆皆以表爲代者之何爲何若也是皆散見於前閱者

可覆按也。

其三用如狀字者、

狀字爲用有三、曰記處、曰記時、曰記容。惟容之所包者廣、凡言及舉止比較情景緣因與夫擬議設想之情狀者、胥賅焉。一豆之記處者、論語云居是邦也事其大夫之賢者友其士之仁者居是邦也。一豆記所在之處、又云其在宗廟朝廷便便言唯謹爾朝與下大夫言侃侃如也僖公四年云君處北海寡人處南海、唯是風馬牛不相及也不虞君之涉吾地也何故前兩平豆又一總皆記處之豆也宣公十二年云在軍無日不討軍實而申儆之在軍一豆同上平準書云上郡以

西旱亦復修寶爵令封禪書云臣嘗游海上見安期生又云  
四月還至奉高上念諸儒及方士言封禪人人殊不經難施  
行又云於是五利常夜祠其家欲以下神神未至而百鬼集  
矣趙廣漢傳云廣漢由是侵犯貴戚大臣所居好用世吏子  
孫及新進年少者山木云君其涉於江而浮於海望之而不  
見其崖愈往而不知其所窮送君者皆自崖而返君自此遠  
矣釋言云吾見子某詩吾時在翰林職親而地近不敢相聞  
諸引皆有記處豆先乎其句

二豆之記時者僖公二十六年云楚子將圍宋使子文治兵  
于睽終日而畢不一人子玉復治兵于蕪終朝而畢轍七

人貢三人耳終日而畢終朝而畢兩記時之豆也宣公三年  
云昔夏之方有德也遠方圖物貢金九牧鑄鼎象物百物而  
爲之備昭公元年云子相晉國以爲盟主於今七年矣再合  
諸侯三合大夫服齊狄寧東夏平秦亂城濮于師徒不頓國  
家不罷民無謗謠諸侯無怨天無大災子之力也襄公三年  
云言終魏絳至公羊隱公三年云女在其國稱女在塗稱婦  
入其國稱夫人魏公子列傳云語未及卒公子立變色告車  
趣駕歸救魏吳語云及吾猶可以戰也爲虺弗摧爲蛇將若  
何賈誼傳云國已屈矣盜賊直須時耳李將軍傳云胡騎得  
廣廣時傷病置廣兩騎間絡而盛臥廣行數十里又云且廣

年六十餘終不能復對刀筆之吏大宛列傳云自博望侯開外國道以爲貴其後從吏卒皆爭上書言外國奇怪利害求使列禦寇云無幾何而往則戶外之屢滿矣與柳中丞書云愈初聞時方食不覺棄匕箸起立張中丞叙後云雲來時睢陽之人不食月餘矣雲雖欲獨食義不忍雖食且不下咽上李尚書書云愈來京師於今十五年所見公卿大臣不可勝數皆能守官職無過失而已未見有赤心事上憂國如家如閭下者曹成王碑云及是然後跪謝告實王君墓誌銘云諸公貴人既志得皆樂熟軟媚耳目者不喜聞生語施先生墓誌銘云貴游之子弟時先生之說二經來太學帖帖坐諸生

下恐不得立聞諸引各有記時之豆而又各不相類故謐舉焉以爲式

三有以記舉止之容者宣公十四年云楚子聞之投杖而起屨及於窒皇効及於寢門之外車及於蒲胥之市後三豆所以記楚子急遽之容也襄公十四年云乃祖吾離被苫蓋蒙荆棘以來歸我先君我先君惠公有不腆之田與汝剖分而食之記其所被蓋者服飾之容也荀子議兵篇云魏氏之武卒以度取之衣三屬之甲操十二石之弩負服矢五十个置戈其上冠軸帶効纏三日之糧日中而超百里中試則復其戶利其田宅其中七豆記兵容也昭公二十五年云諸臣僞

刦君者而負罪以出君止僞刦君者記節似之容也襄公二十九年云夫子之在此也猶燕之巢於幕上此譬其所在之危也昭公三年云其愛之如父母而歸之如流水欲無獲民將焉避之列禦寇云巧者勞而知者憂無能者無所求飽食而遨遊汎若不繫之舟虛而遨遊者也又云凡人心險於山川難於知天天猶有春夏秋冬旦暮之期人者厚貌深情諸所引各有比較之豆以狀其所比之容也蕭何之列傳云仲翁出入從倉頭盧兒下車趨門傳呼甚寵顧謂望之曰不背轍反抱關爲句前諸豆記情景也司馬遷傳云今交手足受木索暴肌膚受榜箠幽於闥牆之中當此之時見獄吏則

頭捨地視徒隸則心惕息何者積威約之勢也司馬相如傳  
云南夷之君西僰之長常效貢職不敢惰怠延頸舉踵喟喟  
然皆鄉風慕義欲爲臣妾道里遼遠山川阻深不能自致賈  
捐之傳云當此之時寇賊並起軍旅數發父戰死於前子嗣  
傷於後女子乘亭鄣孤兒號於道老母寡婦飲泣巷哭遙設  
虛祭想魂乎萬里之外三引內各有排豆皆以記事之情景  
也至記事之緣因者最所習見桓公二年云君子以督爲有  
無君之心而後動於惡故先書弑其君以督爲有無君之心  
者言先書之故也梅福傳云自霍光之賢不能爲子孫慮故  
權臣易世則危西域傳贊云光武之世圖制匈奴患其氣從

西國結黨南羌迺表河曲列西郡開玉門通西域以斷匈奴右臂隔絕南羌月氏陸賈傳云以好峙田地善可以家焉叔孫通傳云秦以不蚤定扶蘇令趙高得以詐立胡亥自使滅祀孟荀列傳云荀卿族濁世之政亡國亂君相屬不遂大道而營於巫祝信禡祥鄙儒小拘如莊周等又滑稽亂俗於是推儒墨道德之行事興壞序列著書萬言而卒送董邵南序云夫以子之不遇時苟慕義強仁者皆愛惜焉矧燕趙之士出乎其性者哉平淮西碑云天以唐克肖其德聖子神孫繼繼承承於千萬年敬戒不忘全付所覆四海九州因有內外悉主悉臣南海廟碑云既貴而富且不習海事又當祀時海

常多大風將往皆憂戚既進觀顧怖悸故常以疾爲解而委事於其副以上所引諸句之先皆有豆以記其事之緣因也擬議設想者皆以言事之未定而或假設其事以覘其效之有無或理之向背也孟子云不以舜之所以事堯事君不敬其君者也不以堯之所以治民治民賊其民者也此設一事君不如舜治民不如堯之事以觀其合理與否也故決之以爲不敬君者城其民者也而所以可爲狀豆者蓋不如舜之事君卽以狀敬君之何若也凡假設擬議之豆言理者皆可解如若是也言效者則假設之豆乃其效之因也莊公十四年云納我而無二心者吾皆許之上大夫之事無二心納我

乃所以許之之因也襄公三十一年云使夫往而學焉夫亦  
愈知治矣樊噲傳云是日微樊噲奔入營譙讓項羽沛公幾  
殆淮陰侯列傳贊云使信不伐已功不矜其能庶幾哉於漢  
家勳可以比周召太公之徒後世血食矣李將軍列傳云如  
令子當高帝時萬戶侯豈足道哉陳丞相世家云大臣能饒  
人以爵邑士之頑鈍者嗜利無恥者亦多歸漢柳子厚墓誌  
銘云使子厚在臺省時自持其身已能如司馬刺史時亦自  
不斥斥時有人力能舉之且必復用不窮然子厚斥不久窮  
不極雖有出於人其文學詞章必不能自力以致必傳於後  
如今無疑也縱使子厚得所願爲將相於一時以彼易此孰

得孰失必有能辨之者。凡此所引所有假設之豆，閱者既已數見於前矣，必能辨之。然而言容之豆，尚不止此。此第舉其大凡以爲則。

凡豆先乎筭者常也，其後之者可條舉焉。

本節所引諸豆皆先乎筭，無事重引以爲證。豆之後乎筭者，或爲歎辭，則見蒙三之系二，或用爲止詞轉詞與比較之豆者，則見諸本節舍此而外，則散見於書而無例之可繩者，僅矣。閔公元年云：猶有令名。與其及也。此倒文也。是猶云與其及也。猶有令名。僖公二年云：且虞能親於桓莊乎？其愛之地，是猶云其愛之也。且虞能親於桓莊乎？其愛之地。

誰非王之親姻。其俘之也。乃出其民。是猶云。其俘之也。此誰非王之親姻乎。乃出其民。襄公三十年云。子產請其田里。三年而復之。反其田里。及其入焉。是猶云。及其入焉。反其田里。趙策云。吾將使梁及燕助之。齊楚固助之矣。是猶云。齊楚固助之矣。吾將使梁及燕助之。諸豆之後置者。於義無闕焉。而於文則非其常。故識之。

彖七

凡有起詞語詞。而辭意已全者。曰句。首卷界說之十一曰。凡字相配而辭意已全者。曰句。蓋初立界說。起語兩詞。猶未詮解。故以字相配三字隱之耳。所謂辭意已全者。即或惟有起詞語詞。

而語意已達者，抑或已有兩詞，而所以達意，如轉詞頓豆之屬，皆各備具之謂也。是則句之爲句，似可分爲兩類。一則與豆相聯者，一則舍豆獨立者，至不需豆，而惟需頓與轉詞者，則所別甚細。不更爲類焉？夫與豆相聯之句，已具見於論豆節矣。今復引數則，而於句豆下註明焉。俾閱者知所區別已耳。

貨殖列傳云：周人白圭，能薄飲食，忍嗜欲，節衣服，與用事儼僕同苦樂。此一句趨時若猛獸摯鳥之發。比豆連讀趙策云：段

規諫曰：不可。句答夫智伯之爲人也。其好利而復謙，雖來請地。也不與。句答必加兵於韓矣。句君其與之。句彼狃其又將請

地於他國。句他國不與。句必鄉之以兵。句然則韓可以免於

患難而待事之變。司馬相如傳云：今封疆之內，冠帶

之倫

謂此

咸獲嘉祉。

謂此

靡有闕遺矣。

而夷狄殊俗之國，遠

絕異壤之域。

謂此

代入爲有之也。

謂此

舟車不通，人跡罕至。

謂此

政教未加流風，猶微

謂此

謂此

記情狀耳。

謂此

內之則犯義，侵禮於邊境外之

則邪行橫作。

謂此

謂此

放殺其上君臣易位，尊卑失序，父兄

不辜，幼孤爲奴虜。

謂此

謂此

繫縛號泣。

謂此

謂此

其實此段只一句，續云：中國既受祉矣，一豆

而夷狄之國未有牧也，不樂內悅而怒一朝

相如傳云：伊士

古之初，

謂此

肇自顙穹生民。

謂此

歷遷列辟，以迄乎秦。

謂此

率

邇者

謂此

踵武，逖聽者風聲。

謂此

紛綸歲蕘。

謂此

湮滅而不

稱者。

謂此

不可勝數。

謂此

繼詔夏崇號誼。

謂此

畧可道者。

謂此

七十有一君句、罔若淑而不昌、疇逆失而能存句、列句、張敞

傳云朝臣宜有明言曰對新言則爲勅、陛下褒寵故大將軍

以報功德詞、足矣豆、趙、成所據句、則爲勅、間者輔臣顥政貴戚太甚君臣

之分不明三豆、舊請句、黃之金、則爲勅、則爲勅、則爲勅、則爲勅

安世宜賜几杖歸休時存問召見以列侯爲天子師三豆、舊請

止謂此句止其實互比皆

明詔以恩不聽羣臣以義固爭而後許又兩句其實互比皆假句之豆後乃當效句、則爲勅

臣爲知禮一豆、舊霍氏世世無所患苦又一句劉歆傳云

往者綏學之士句、舊不思廢絕之闕豆苟因陋就寡分文析

字煩言辭辭三豆、舊學者罷老豆且不能究其一藝句信口說

而背傳記是末師而非往古

平句上

至於國家將有大事

平句上

若立辟雍封禪巡狩之儀

平句上

則幽冥而莫知其原

平句上

猶欲

抱殘守缺

平句上

挾惟恐見破之私意

而無從善服義之公心

平句上或懷嫉妒不考情實

平句上

雷同相從隨聲是非

平句上抑此

三學以尚書爲備謂左氏爲不傳春秋

平句上

豈不哀

哉平句上劉向傳云今以陛下明知

平句上

誠深思天地之心迹察兩

觀之誅平句上覽否泰之卦觀雨雪之詩

平句上

歷周唐之

所進平句上以爲法碑原秦魯之所消以爲戒

平句上

考祥應之

福省災異之禍

平句上

以揆當世之變

平句上對決斷

黨壞散險詖之聚杜閉羣枉之門廣開衆正之路

平句上

決斷

狐疑分別猶豫，一時使是非炳然可

知所合之宜  
五十而知天命

告爲極牛所  
遺豆式五變則百異消滅而衆祥並至

沈括開諫佛骨表云今聞之陛下令羣僧迎佛

骨於鳳翔，御樓以觀昇入大內。又令諸寺遞迎供養。

臣雖至愚，必知陛下不惑於佛。請下真貼，作此崇奉以斬

福祥也。一頃久止，直以年豐人樂，故其狗人之心，可爲京都。

士庶設詭異之觀戲玩之具耳。安有聖明若此，而

吳有之著肯信此等事哉。鄭公神道碑文云：公與賓

客朋遊飲酒，必極醉。投壺博奕窮日夜。若樂而不

厭者更比平居簾閣據几，與其終日不知有人，別自號白雲

翁名名人魁士號分母鮮不與善句好樂後進句及門接

引真皆有恩意句袁氏先廟碑云公惟真之晉大父大父皇

考如比三世朝同存不大夫食歿祭在子孫真唯真將相

能致備物世彌遠禮則益不及三豆青角以立功之始立在懷德行業治

圖功載名以待上可謂臣一職至此以無細大事句無敢不敬

畏句無早夜無敢不思句成於家進於外以立於朝謂以一

其故以上皆心中所懷者下以實錄自侍御史歷工部員外郎祠部郎中諫議

大夫尚書右丞華州刺史金吾大將軍七由卑而鉅真矣

不官稱句遂爲宰相以贊辨章仍持節將蜀渭襄莉又兩句上嘗

宋二畧苞河山秩登祿富句以有廟祀下之起真具如其

志。又垂顯刻以教無忘。

文固功業名聞天下

可謂大孝。

與袁相公書云閣下儻引而進之。

至

密加識察，有少不

如意。

乃察止詞

愈爲欺罔大君子，便宜得棄絕之罪於門下。

所忌一旬誠不忍取，奇寶橫棄道側。

止犯之而閣下僕讀起尙

有少闕不滿之處。

又一旬以不犯之故一莫正耳

輒冒言之。

以不犯之故一莫正耳

三得爲屬吏。

又一旬以不犯之故一莫正耳

朝夕不離門下，出入五年。

又一旬以不犯之故一莫正耳

竊自計較

豆之故事有當言，未嘗不敢言。

又一旬以不犯之故一莫正耳

叶私情。

又一旬以不犯之故一莫正耳

閣下所宜憐也。

又一旬以不犯之故一莫正耳

歷引諸書。

又一旬以不犯之故一莫正耳

分註豆句區別或有未當知所難免而大略若是學者誠密  
加察識則豆與豆與夫勺豆之所以相輔而能足其辭氣者  
知泰半矣因更引昌黎全序以明之

送高閑上人序云苟可以寓其巧智使機應於心不挫  
於氣真德宇則神完而守固勿忘勿助雖外物至不疑不膠於心勿忘勿助  
堯舜禹湯治天下達下計上養叔治射庖丁治牛師曠治音  
聲扁鵲治病五臣僚之於丸秋之於奕伯倫之於酒三豆共起  
耳目口鼻樂之終身不厭也奚暇外慕足一夫外慕徒業者俱起  
皆不造其堂不躋其戩者真德宇也勿忘勿助往時張旭善草書  
題筆不治他伎勿忘勿助喜怒窘窮勿忘勿助憂悲愉佚勿忘勿助怨恨思慕勿忘勿助酣醉無

聊不平、

共計四頃皆分母偏次第云清情此之中也下文乃云如有動於心

有動於心

此豆一

必於草書焉發之、

觀於物

前文選錄見坐點

山水崖谷

止同鳥獸蟲魚草木之花實

日月列星、風雨水火、雷霆霹靂、

歌舞戰鬪、

共計五種

天地事物之變、

前文選錄見坐點

可喜可愕、

事物之變之可喜可愕者皆病於害也

一寓於書、故旭之書、

前文選錄見坐點

變動猶鬼

神、不可端倪、

以此終其身而名後世、今閑之於草書

有旭之心哉、不得其心而逐其跡、

前文選錄見坐點

利害必明、

無遺鎗銖、情炎於中、利欲闖進、

子有道起

有得有喪、勃然不釋、

前文選錄見坐點

後一決於書、而後旭可幾

也、前文選錄見坐點

今閑師浮屠氏、

前文選錄見坐點

死生解外膠、是其爲心、

其必泊然無所起。其於世必淡然無所嗜。泊與淡相  
連。頽墮委靡。潰敗不可收拾。則其於書得無象之  
然乎。然吾聞浮屠人善幻。多伎能。閉如通其術。  
則吾不能知矣。

至舍豆獨立之句。非謂句之前後皆無豆也。惟句與句或自相  
聯屬。而前後之或有豆焉。亦不若句豆錯置若犬牙者然也。原  
夫句之爲句也。至爲繁贅。要無定例之可循。今欲資爲論說。試  
別其式爲四。一排句而意無軒輊者。

凡有數句。其字數畧同。而句意又相類。或排兩句。或疊數句。  
經籍中最習用也。論語。曾子曰。吾日三省吾身。後四章。皆有

排句爲其句字句意近似故也子曰君子食無求飽則疊排四句餘如君子喻於義小人喻於利回也聞一以知十賜也聞一以知二朽木不可雕也糞土之牆不可圬也曾子曰鳥之將死其鳴也哀人之將死其言也善冠者五六人童子六七人浴乎沂風乎舞雩詠而歸某也聞有國有家者不患寡而患不均不患貧而患不安蓋均無貧和無寡安無憊孟子云孔子曰知我者其惟春秋乎罪我者其惟春秋乎昔者禹抑洪水而天下平周公兼夷狄驅猛獸而百姓甯孔子成春秋而亂臣賊子罷孟子曰有不虞之舉有求全之毀孟子曰仁人心也義人路也舍其路而弗由放其心而不知求衰哉

隱公九年云。戎輕而不整。貪而無親。勝不相讓。敗不相救。先者見獲必務進。進而遇覆必速奔。後者不救則無繼矣。乃可以逞。僖公三十三年云。武夫力而拘諸原。夫人暫而免諸國。墮軍實而長寇讎。亡無日矣。所引諸疊化或兩排或三排。其字數意義大畧相同。間有先之以豆者。仍不失爲排句也。至如趙策云。安民之本在於擇交。擇交而得則民安。擇交不得。則民終身不得安。請言外患。齊秦爲兩敵。而民不得安。倚秦攻齊。而民不得安。倚齊攻秦。而民不得安。故夫謀人之主。伐人之國。常苦斷辭以絕人之交。又云。大王誠能聽臣。燕必致。魏必致。狗馬之地。齊必致。海隅魚鹽之地。楚必致。橘柚雲夢之

地韓魏皆可使致湯沐之邑貴戚父兄皆可以受封侯楚策云夫隘楚太子弗出不仁又欲奪之東地五百里不義其縮甲則可不然則願待戰秦策云夫韓魏父子兄弟接踵而死於秦者累世矣本國殘社稷壞宗廟隳剗腹折頤首身分離暴骨草澤頭顱僵仆相望於境父子老弱保虜相隨於路鬼神狐祥無所食百姓不聊生族類離散流亡爲臣妾滿海內矣東方朔傳云遵天之道順地之理物無不得其所故綏之則安動之則苦辱之則爲將卑之則爲虜抗之則在青雲之上抑之則在深泉之下用之則爲虎不用則爲鼠雖欲盡節效情安知前後王尊傳云臣等竊痛傷尊修身絜行砥節首

功刺謹不憚將相誅惡不避豪強誅不制之賊解國家之憂  
功著職修威信不廢誠國家爪牙之吏折衝之臣今一旦無  
辜制於仇人之手傷於詆欺之文上不得以功除罪下不得  
蒙棘木之聾獨掩怨讐之偏奏猥被共工之大惡無所陳怨  
禱罪匈奴傳云外國天性忿懣形容魁健負力怙氣難化以  
善易隸以惡其強難詘其和難得故未服之時勞師遠攻傾  
國殲貨伏尸流血破堅拔敵如彼之難也既服之後慰薦撫  
循交接賂遺威儀俯仰如此之備也南海神廟碑云公遂陞  
舟風雨少弛櫂夫奏功雲陰解毅日光穿漏波伏不興省牲  
之夕載陽載陰將事之夜天地開除月星明概五鼓既作章

牛正中公乃盛服執笏以入，卽事文武賓屬，俯首聽位，各執其職。牲肥酒香，鵠爵靜潔，降登有數，神具醉飽，海之百靈，秘怪，慌惚舉出，蜿蜒蛇蟠，來享飲食。國廟旋轉，祥飄送飄，旗纛旄麾，飛揚曉誦，鎡鼓嘲轂，高管噭噪音，武夫奮權，工師唱和，穹龜長魚，踊躍後先，乾坤倪軒，豁呈露祀之之歲，風災燭滅人厭魚蟹，五穀胥熟，答尉遲生云實之之美惡，其發也不揜，本深而末茂，形大而聲宏，行峻而言厲，心醉而氣和，昭晰者無疑，優游者有餘，體不備不可以爲成人，辭不足不可以爲成文，愈之所聞者如是。所引諸段，排句多而式亦各異，可取則焉。

疊句有以狀字連字爲呼應者已詳於八卷承接連字節矣  
重錄數則以爲式穀梁僖公二年云且夫玩好在耳目之前  
而患在一國之後此中智以上乃能慮之臣料虞君中智以  
下也首兩排句連以而字蘭相如列傳云秦亦不以城予趙  
趙亦終不予秦璧此兩句連以亦字季布列傳云當是時諸  
公皆多季布能摧剛爲柔朱家亦以此名聞當世下句以亦  
字爲承又云漢索將軍急迹且至臣家秋水云以此觀之又  
何以知毫末之足以定至細之倪又何以知天地之足以窮  
至大之域昭公四年云鄰國之難不可虞也或多難以固其  
國啓其疆土或無難以喪其國失其守宇若之何虞難刺客

列傳云荆軻奉樊於期頭亟而秦舞陽奉地圖柙以進與于襄陽書云世之齷齪者既不能以語之嘉落奇偉之人又不能聽焉則信乎命之窮也送楊少尹序云漢史既傳其事而後世工畫者又圖其迹黃家賊狀云德既不能綏懷威又不能臨制上崔虞部書云既以自咎又欲執事者所守異於人  
人謝孔大夫狀云欲致辭爲謾則乖伏屬之禮承命苟貪又非循省之道諸引排句各有且或亦而又既則諸連字與狀字相爲承接則疊句便覺靈動矣又以上所引一切排句其句意並無淺深之別是不可以不辨者不然則爲下式矣

二疊句而意別淺深者

疊句有似排句，其格式相似，其字數略等。所謂意別淺深者，先後句意或判輕重或相比較之謂也。賈誼傳云：臣故曰：非徒病瘡也，又苦蹠鑿。又云：非亶倒懸而已。又類辟且病蹠，又云：欲諸王之皆忠附，則莫若令如長沙王。欲臣子之勿菹醢，則莫若令如樊噲等。欲天下之治安，莫若衆建諸侯而少其力。三引所謂先後句意有輕重比較之別者，皆具焉。昭公三年云：若惠顧敝邑，撫有晉國，賜之內主，豈惟寡君，舉羣臣實受其貺。其自唐叔以下，實寵嘉之，豈惟以下三句之意，皆遞進也。即隱公元年云：蔓草猶不可除。况君之寵弟乎？猶況兩字相比，况字後所有語詞隱寓者十而有九，然辭意盡達矣。

不謂之句可乎。是則昭公元年云不甯唯是又使圉蒙其先君將不得爲寡君老其蔑以復矣。又云子木之信稱於諸侯猶詐晉而駕焉况不信之尤者乎。燕策云隗且見事況賢於隗者乎。平準書云非獨羊也治民亦猶是也。趙充國傳云誠令兵出雖不能滅先零豈能令虜絕不爲小寇。則出兵可也卽今同是而擇坐勝之道從乘危之勢往終不見利。空內自罷敝貶重而自損非所以示蠻夷也。賈捐之傳云人情莫親父子莫樂夫婦至嫁妻賣子法不能禁義不能止此社稷之憂也。劉向傳云陛下爲人子孫守持宗廟而令國祚移于外親降爲卑隸縱不爲身奈宗廟何所引諸句之式或不相類。

而各有連字呼應故皆有淺深之別昭公元年云若野賜之是委君貺於草莽也是寡大夫不得列於諸卿也襄公三十一年云大決所犯傷人必多吾不克救也不如小決使道不如吾聞而藥之也襄公六年云再敗楚師不如死襄盟逃讐亦不如死天運云故曰以敬孝易以愛孝難以愛孝易而忘親難忘親易使親忘我難親忘我易兼忘天下難兼忘天下易使天下兼忘我難潮州刺史謝上表云高祖創制天下其功大矣而治未太平也太宗太平矣而大功所立咸在高祖之代非如陛下承天寶之後接因循之餘六七十年之外赫然興起南面指麾而致此巍巍之治功也趙策云故勸王無

齊者非智不足則不忠者也，非然則欲王之兵成其私者也。  
非然則欲輕王以天下之重，取行於王者也。非然則位尊而  
能卑者也。諸此六引雖各有豆交錯其間，而句意則層層遞  
進可取法焉。凡此句法皆詳諸八卷連字矣。

三、兩商之句

公羊隱公三年云：宣公謂繆公曰：「以吾愛與夷，則不若愛女，  
以爲社稷宗廟主，則與夷不若女。」盍終爲君矣。此兩商之句  
也。一見於八卷之終，又見於卷九傳疑助字，大致皆先之以  
豆，以爲兩設者也。公羊桓公十三年云：祭仲不從其言，則君  
必死，國必亡。從其言，則君可以生，易死，國可以存，易亡。又張

公二十九年云，閼唐曰：先君之所以不與子國而與弟者，將從先君之命與，則國宜之。季子者也，如不從先君之命與，則我宜立者也。昭公三年云：敝邑之往，則畏執事，其畏寡君，而固有外心，其不往，則宋之盟云。哀公十二年云：天或者以陳氏爲斧斤，既斬喪公室，而他人有之，不可知也。其使終饗之，亦不可知也。昭公三十年云：舊有豐有省，不知所從。從其豐，則寡君弱，是以不共。從其省，則吉在此矣。唯大夫圖之。淮陰侯列傳云：今足下戴震主之威，挾不賞之功，歸楚，楚人不信，歸漢，漢人震恐。楊惲傳云：言鄙陋之愚心，若逆指而文過，默而息乎，恐違孔氏各言爾志之義。嚴錯傳云：陛下不救，則邊

民絕望而有降敵之心，救之少發則不足，多發遠縣纔至，則胡又已去，聚而不罷，爲費甚大，罷之則胡復入，如此連年，則中國貧苦，而民不安矣。韓策云：今茲效之，明年又益求割地，與之則無地以給之，不與則棄前功而後更受其禍。魏策云：子之於學者，將盡行之乎？願子之有以易名母也。子之於學也，將有所不行也。願子之且以名母爲後也。趙策云：今臣新從秦來，而言勿與，則非計也。言與之，則恐王以臣之爲秦也。論變鹽法事，宜狀云：臣以爲鄉村遠處，或三家五家，山谷居住，不可令人吏將鹽家至戶，到多將則糴貨不盡，少將則得義無多，復書狀云：伏以子復父讐，最宜詳於律，而律無其條。

非閱文也。蓋以爲不許復讐，則傷孝子之心，而乖先王之訓。  
許復讐，則人將倚法多殺，無以禁止其端矣。論鹽法事宜狀  
云：百姓甯爲私家載物，取錢五文，不爲官家載物，取錢十文  
也。又云：臣以爲若法可行，不假令宰相充使，若不可行，雖宰  
相充使，無益也。諸引兩商之句，大致相類，概皆先之以豆，所  
以爲設問也。其於設問之豆有煞以傳疑助字者，則見諸九  
卷，要之此種句法，辨事理最爲便利。

#### 四、反正之句。

反正之句者，卽前後句意義相背，中假連字以振轉也。振轉  
而不用連字者，亦有焉，然不概見也。此種句法，詳於八卷轉

操連字矣游俠列傳贊云太史公曰吾視鄒解狀貌不及中人言語不足採者然天下無賢與不肖知與不知皆慕其聲霍光傳贊云光爲師保雖周公阿衡何以加此然光不學亡術閭於大理陰妻邪謀立女爲后湛溺盈溢之欲以增彌覆之禍死財三年宗族誅夷哀哉兩引上下句義相反者參然字以轉焉賈誼傳云秦無亡矢遺鎌之費而天下諸侯已困矣趙充國傳云釋致虜之術而從爲虜所致之道臣愚以爲不便兩引以而字爲轉者考工記云材美工巧然而不良則不時不得地氣也公羊僖公三十三年云或曰往矣或曰反矣然而晉人與姜戎要之殺而擊之此兩引轉以然而者至

如大宛傳云終不得入中城乃罷而引歸蕭相國世家云蕭何未嘗有汗馬之勞顧反居臣等上王贊傳云天下皆言王勇顧但負貳安能勇如尊乃勇耳與崔羣書云比亦有人說足下誠盡善點美抑猶有可疑者魏志吳貨傳云公幹有逸氣但未道耳王翦列傳云今聞荆兵日進而西將軍雖病獨忍棄寡人乎司馬遷傳云而世俗又不與能死節者比特以爲智窮罪極不能自免卒就死耳諸引上下句則以乃顧抑但獨特爲掉轉者賈誼傳云進言者皆曰天下已安已治矣臣獨以爲未也吳語云孤之事君在今日不得事君亦在今日讀荀子云考其辭時若不粹要其歸與孔子異者鮮矣趙

策云始吾以君爲天下之賢公子也。吾乃今然後知君非天下之賢公子也。僖公二十八年云。楚一言而定三國。我一言而亡之。論語云。蓋有之矣。我未之見也。又云。可與共學。不可與適道。可與適道。未可與立。可與立。未可與權。成公十六年云。今三彊服矣。敵楚而已。德充符云。彼且蘄以淑詭幻怪之名聞。不知至人之以是爲已桎梏邪。穀梁隱公元年云。若隱者可謂輕子乘之國。蹈道則未也。以上諸引。上下句義相背。而無連字爲轉也。今字用於節首。往往以代轉捩連字。而參於句中者。間有然矣。孟子云。鄉爲身死而不受。今爲宮室之美爲之。鄉爲身死而不受。今爲妻妾之奉爲之。鄉爲身死而

不受今爲所識窮乏者得我而爲之又云是故禹以四海爲  
望今吾子以鄰國爲壑論語云力不足者中道而廢今女畫  
三引今字用以指時而亦藉以爲轉也其在句首者國策最  
習見也又論語云吾以子爲異之間曾由與求之間孟子云  
寡人非能好先王之樂也直好世俗之樂耳則以曾直兩狀  
字爲轉矣故反正之句所用以爲掉轉之字者難以枚舉然  
終以然抑而及然而諸連字爲常故不憚再引數則以究其  
用宣公十一年云牽牛以蹊者信有罪矣而奪之牛罰已重  
矣襄公二十七年云善哉民之主也抑武也不足以當之襄  
公十四年云曰是實班師不然克矣秦策云無刺一虎之勞

而有刺兩虎之名齊策云今韓梁之目未嘗乾而齊民獨不也燕策云本欲以爲明寡人之薄而君不得厚揚寡人之辱而君不得榮此一舉而兩失也魏策云秦未索其下而王效其上可乎司馬相如傳云夫不順者已誅而爲善者未賞故遣中郎將往賓之又云揆厥所元終都攸卒未有殊尤絕跡可考於今者也然猶蠭染甫登太山建顯號施尊名趙充國傳云蠻夷俗雖殊於禮義之國然其欲避害就利愛親戚畏死亡一也揚雄傳云自是之後匈奴震怖益求和親然而未肯稱臣也禕洽議云今輒先舉衆議之非然後申明其說上張僕射第二書云其指要非以他事外物相比也特以擊球

之間之事明之耳齊世家云猶膏棘軸所以爲滑也然而不能運方穿答陳商書云今舉進士於此世求祿利行道於此世而爲文必使一世人不好得母與操瑟立齊門者比與樊紹述墓誌銘云曰多矣哉古未嘗有也然而必出於已不襲蹈前人一言一句又何其難也必出入仁義其寓若生蓄萬物畢具海函地負放恣縱橫無所統紀然而不煩於繩削而自合也太學博士李君墓誌銘云余不知服食說自何世起殺人不可計而世慕尚之益至此其惑也繁引諸句皆反正相生文筆流動而不板滯學者所最當取則者也

四式既定凡類是者舉可隸焉惟此四式要皆施於段落之中

至如段落所有之結句起句迄無定則然要不越連字助字兩卷所引句式之外學者貴觀其會通焉

泰西方言之論句法也四式之外加一相因之句卽謂上下之句有相因之理或言固然或言所以然也而此式於第二式意有淺深之句與第四式反正之句皆可歸焉故趙充國傳云戰而百勝非善之善者故先爲不可勝以待敵之可勝揚雄傳云以爲不壹勞者不久佚不暫費者不永甯是以忍百萬之師以摧餓虎之喙運府庫之財填廬山之壑而不悔也齊策云非齊親而韓梁疏也齊遠秦而韓梁近秦策云子待傷完而刺之則是一舉而兼兩虎也四引上下句中有間

故是以與則是者有不間者而兩句之意要皆有淺深異同之各別故可隸於前式而句法之類是者亦皆然也

假落之長者概有起句論語云且爾言過矣一提下文申說孟子云今夫天下之人牧未有不嗜殺人者也一句決事下文翻說又云今燕虐其民王往而征之夫誰與王敵下文翻說又云人皆有不忍人之心一句立義下文接說又云是以惟仁者宜在高位又云民非水火不生活文公七年云同官爲寮其十三年云晉人虎狼也成公二年云其晉實有闕其九年云楚囚君子也襄公三十一年云子產之從政也擇能而使之定公四年云以先王觀之則尚德也人間世云女不

知夫養虎者平又云凡傳兩喜兩怒之言天下之至難者也  
秋水云且子獨不聞夫壽陵餘子之學行於邯鄲與魏策云  
夫物多相類而似也秦策云臣固疑大王之不能用也齊策  
云今齊將近矣秦策云王既無重世之德於韓魏而有累世  
之怨焉司馬相如傳云蓋聞天子之於夷狄也其義羈縻勿  
絕而已又云且夫賢君之踐位也豈特委瑣齷齷拘文牽俗  
循誦習傳當世取說云爾哉張敞傳云臣敞非敢毀丞相也  
楊惲傳云伏惟聖主之恩不可勝量又云夫人情所不能止  
者聖人弗禁疏廣傳云吾豈老諱不念子孫哉匈奴傳云且  
夫前世豈樂傾無量之費役無罪之人快心於狼望之北哉

送許郢州序云凡天下之事成於自同而敗於自異論小功  
不稅書云君子之於骨肉死則悲哀而爲之服者豈牽於外  
哉禱祿議云毀廟之主皆當合食於太祖獻懿二王卽毀廟  
主也諸此所引皆於段落之始先樹一義以爲下文展拓地  
步其句式則已散見於八九兩卷矣至段落之結句所以結  
束一段之意概皆助以助字其句式則加詳於助字篇大學  
云此謂唯仁人爲能愛人能惡人又云此謂國不以利爲利  
以義爲利也兩引皆所以結上文者也論語云可謂好學也  
已又云回也不愚又云足則吾能徵之矣又云焉用稼又云  
吾恐季孫之憂不在顓臾而在蕭牆之內也孟子云王亦曰

仁義而已矣，何必曰利。古之人與民偕樂，故能樂也。故久而後失之也。惟此時爲然，然後中國可得而食也，而暇耕乎。此之謂大丈夫。子以爲秦乎？國之所存者幸也。此所謂率土地而食人肉，罪不容於死。君子之所爲衆人固不識也。文公七年云爲同寮故也。襄公三十一年云是以鮮有敗事。定公四年云不然。文武成康之伯猶多而不獲是分也。惟不尙年也。秦策云此所謂天府，天下之雄國也。齊策云則是非徒示人以難也。又且害人者也。然則天下仇之必矣。秦策云是王有殺楚之名，無得地之實也。又云一年之後爲帝若未能，於此禁王之爲帝有餘。空樂云今又變而至死，是相與爲春夏秋。

各四時行也人間世云意有所至而愛有所亡可不慎邪貨殖傳云此所謂得勢而益彰者乎高帝紀云此三人皆人傑此吾所以取天下也項羽有一范增而不能用此所爲爲我禽也張陳列傳云此臣之所謂傅檄而千里定者也食倚志云此令臣輕背其主而民易去其鄉盜賊有所勸亡逃者得輕貨也又秦策云此乃方其用肘足時也願王之勿易也又云是使三晉之大夫不如鄒魯之僕妾也賈誼傳云胡不用之淮南濟北勢不可也諸此引皆以結束段落而句法之變止於是矣

又敘記之文所以記事事萬變而不齊文必屈曲而適如其事

故其句豆長短不一，有一字者，有長至數十字者，又往往句勝於豆，迥不若論議者之句豆錯落相間者也。史記項羽本紀，刺客列傳，漢書霍光傳，皆傳文之尤佳者，蓋皆膾炙人口，故不錄錄其可爲法者，數則而爲句爲豆分註於下，則閭者庶不嘆其闕如，而種種句式既皆論及，可謂無遺憾矣。

封禪書云：少君者，故深澤侯舍人，同次主方，同次匿其年及其生長。主常自謂七十，主能使物却老，主其游，主以方徧諸侯，主無妻子。主人聞其能，使物及不死，主更讀遺之，主常餘金錢衣食。主人皆以爲真，不治生業而饒給。主又不知其何人。主愈信，主爭事之。主少君資好方，主善爲巧發。

奇中句嘗從武安候飲句坐中有九十餘老人句少君乃言  
與其大父游射處句老人爲兒時句從其大父識其處句一  
坐盡驚句少君見上句上有古銅器句問少君句少君曰句  
此器句齊桓公十年陳於柏寝句已矣而案其刻句果齊桓  
公器句一宮盡駭句以爲句少君神句數百歲人也句少君  
言上曰句祠句則致物句致物句而丹砂可化爲黃金句  
黃金成以爲飲食器句則益壽句益壽句而海中蓬萊僊者  
乃可見句見之以封禪句則不死句黃帝是也句臣嘗遊海  
上句見安期生句安期生食臣棗句大如瓜句安期生偃者  
真通蓬萊中合真則見人句不合真則隱句於是天子始

親祠竈，遣方士入海求蓬萊安期生之屬，而事化丹砂  
諸藥齊爲黃金矣。

河渠書云：夏書曰：禹禹抑鴻水，自十三年過家不入門。至陸行載車，水行載舟，泥行蹈毳。山行卽橋以別九州。三平共一頃，隨山浚川，任土作貢。禹禹通九道，陂九澤，度九山。三小共一頃，然河苗衍溢。禹禹害中國也，禹禹尤甚。唯是爲務，故道河。禹禹自積石，禹禹歷龍門，南到華陰，東下砥柱。禹禹及孟津雒汭，至于大邳。禹禹於是禹以爲禹禹河所從來者，禹禹高亘、言水湍悍，禹禹雖以行平地，禹禹數爲敗。禹禹乃創二渠，禹禹以引其河北載之高地。禹禹過洚水至于大陸，禹禹譖爲九河，同

爲遜河謂之河入于渤海此皆引字齊國王之句止九川既疏九澤既

灑謂之河諸夏艾安謂之功施于三代謂之自是之後濟陽

下謂之河東南爲鴻溝謂之以通宋鄭陳蔡曹魏記

與濟汝淮泗會此俱謂之於楚西方謂之則通渠漢

水雲夢之野謂之東方則通鴻溝江淮之間謂之於吳則通渠三

江五湖於齊則通蓄濟之間謂之於蜀獨守冰鑿離碓

磚謂之辟沫水之害穿二江成都之中謂之此渠皆可行舟

有餘謂之則用溉浸百姓饗其利謂之至于所過往往引

其水益用溉田疇之渠以萬億計謂之然莫足數也

大宛列傳云自博望侯開外國道以尊貴謂之其後從吏卒

皆爭上書，言外國奇怪利害，求使。

都以求償  
至此而止

天子爲其絕遠，非人所樂往。聽其言，予節。

附：內

民母問所從來，一爲具備，人衆遣之，以廣其道。

此句至此為止  
來還不能毋侵盜幣物，及使失指，天子爲其習之，輒覆案致重罪，以激怒，令曠復求使。

此後之異  
自此而止

使端無窮而輕犯法，其吏卒亦輒復盛推外國所有。

此句至此為止  
言大者予節，言小者爲副，故妄言無行之徒。

此句至此為止  
皆爭效之，其使皆貪人子，私縣官齎物，欲

賤市以私其利外國，外國亦厭漢使，人人有言輕重，度漢兵遠不能至，而禁其食物，以苦漢使，漢使乏絕。

積怨至相攻擊

自

順宗實錄云陽城字元宗北平人代爲宦族好學

貧不能得書乃求入集賢爲書寫吏竊官書讀之

晝夜不出經六年遂無所不通

此舉

乃去滄州申

條山下遠近慕其德行來學者相繼於道閭里有

爭者不詣官府詣城以決之李泌爲相舉爲諫議

大夫拜官不辭未至京師人皆想望幸采云城

山人能自苦刻不樂名利必諫諍死職下咸畏憚之

既至諸諫官紛紛言事細碎無不闇達

此舉

咸畏憚之

而城方與其二弟矣連夜痛飲人莫能窺其意

苦之而城方與其二弟矣連夜痛飲人莫能窺其意

有懷刺讛之者，其將造城而問之，其城揣知其意，其輒強

與酒。其客或時先醉其，仆席上其，城或時先醉其，仆客懷中

言故不能聽客語其，約其二弟其，云其吾所得月俸其，汝可

度。地吾家有幾口其，月食米當幾何其，買薪菜鹽米其，凡

用幾錢承，其皆爲字所屬，先具之其，其餘悉以送酒餚其，無留也。

禾嘗有所貯積其，雖其所服用其，切急不可闕者其，客

稱其物可愛其，城輒喜其，舉而授之其，陳於者其，候其

始請刀俸其，常往稱其錢帛之美其，月有獲焉其。